

ÍNDISE

Páj.

Nota apresentasaun1^a

Rezumu badak kona-ba sítuasaun País nian

Molok 1^a Konferénsia Nasionál

ne'ebé hala'o hosi loron-1 to'o loron 8 fulan-Marsu tinan-1981.....1 to'o 3

Rezeña/rezumu memoriál Comité Central FRETILIN nian iha períodu kampaña destruisaun Beze vermella -.....4 to,o 5

Diskursu abertura 1^a Konferénsia Nasionál ne'ebé hala'o hosi loron-1 to'o loron-8 Fulan-Marsu tinan-1981 iha rejaun militar Nakroma.....6 to'o 31

1^a Akta Konferénsia Nasionál nian.....32 to'o 51

Dokumentu ne'e Comissão de Pesquisa e Elaboração da História da Luta da Mulher Timor mak traduz

REPÚBLIKA DEMOKRÁTICA TIMOR-LESTE/FRENTE REVOLUSIONÁRIA TIMÓR-
LESTE INDEPENDENTE

REZUMU BADAK KONA-BA SITUASAUN PAÍS NIAN MOLOK 1ª KONFERÉNSIA
NASIONÁL NE'EBÉ HALA'O HOSI LORON-1 TO'O LORON-8 FULAN-MARSU
TINAN-1981.

Períodu hafoin operasaun inimiga ne'ebé ho envergadura/dimensaun boot hodi harahun Baze Vermella sira hosi fulan-Setembru to'o fulan-Marsu tinan-1979.

Hahú hosi fulan-Setembru tinan -1977, asasinu invazór hahú ho ninia operasaun kanpaña hodi harahun Baze Vermella sira.

Setór dahuluk ne'ebé hetan atake mak Fronteira Sul tuir fali kedas Fronteira Norte.

Iha tinan-1978 setór Sentrá 3 hahú sente mós atake hosi asaun inimiga no, iha fulan-Setembru tinan ne'e duni, iha Ponta Leste ne'ebé liga parte orientál tomak hosi Estrada Baucau/Viqueque inimigu sira hahú halo movimentasaun dahuluk. Sira-nia téknika mak sunu-rai, harahun hotu rekursu ekonómiku sira hodi obriga populasaun hosi parte Sentru/Rai-klaran rende ba inimigu tanba sira-nia movimentasaun ne'ebé la para, inseguransa ne'ebé provoka hosi atake no persegisaun inimigu nian hodi hafraku no populasaun mós laiha ona kapasidade fízika atu bele rejiste. Lakon buat hotu ne'ebé sira iha, laiha buat ida atu han, moras no laiha tan dalan seluk, iha de'it dalan ida mak aseita atu kontrola hosi inimigu hodi buka dalan seluk atu luta.

Maibé, Ponta Leste, populasaun hamutuk entre rihun 120 to'o 130 iha hotu hela Matebian no buka dalan oinsá bele hado'ok an hosi objetivu inimigu nian bainhira forsa sira buka atu deteta diresaun invazór nian ba Matebian. Iha fulan-Outubru, sira hahú aperta serku ba Matebian no, Kasa, morteirada no

kañoadá sira hosi tasi de'it mak bele korsege vense eróika rezisténsia Masa nian. Forsa sira hosi setór ne'e komporta kapás tebtebes hodi defende uma boot ne'e. Maibé forsa boot inimigu nian korsege impoin no, iha loron-22 fulan-Novembru tinan-1978, Matebian rahun. Forsa sira sai no populasaun tenke aseita duni kontrolu inimigu nian. Hafoin inimigu kontrola tiha Matebian liu loron hira de'it forsa inimiga sira hahú duni tuir forsa sira Setór Ponta Leste nian ne'ebé ho diresaun atu mai Sentru/rai klaran, hodi impede forsa sira labele ba Setór Sentru ho Tanke barbarak tuir dalan.

Sira (inimigu) hatun batallaun 12 hodi blokeia/serku Matebian hasoru ita-nia Forsa ne'ebé sura hamutuk maisoumenus kilat 700.

Maibé, batallaun sira seluk iha hela parte Sentru no Fronteira hodi duni tuir nafatin nu'udar alvu prinsipál Diresaun Luta nian mantein to'o fulan-Marsu tinan-1979, elimina totalmente membru sira CCF nian iha setór 5 iha País ne'e. Faktu ida ne'e ikusmai hahú proporsiona terrenu favorável ba asaun sira kona-ba alisiamentu/hamaus/bosok hodi halo Forsa hosi Sentru no Fronteira sira hahú rende.

Iha Ponta Leste, hahú sente falta prezensa hosi Diresaun Superiór, la'ós de'it atu organiza Forsa maibé maibé hodi organiza populasaun sira iha zona branka/livre – kampu konsentrasaun hirak ne'ebé inimigu sulan polulasaun ba.

Alisiamentu/lia bosok ne'ebé sira halo hamosu mós estragu iha Ponta Leste hanesan Forsa sira hahú rende, maibé ita korsege evita ida ne'ebé aat-liu/pior. Komisáriu Polítiku Sera Key ne'ebé atu ba halo kontaktu ho Komité Permanente hodi bele haree hikasfali sítuasaun Luta nian hetan kapturasaun iha fulan-Abril tinan-1979. Maibé iha fulan-Marsu tinan ne'e duni, Diresaun Ponta Leste nian haruka fali delegasaun seluk ida ba Sentru/rai klaran, delegasaun ne'e mós hetan kapturasaun hamutuk ho Komisáriu Polítiku Sera Key. Iha fulan-Jullu, tuir tan fali delegasaun ida no delegasaun ne'e filahikas ba Sentru Leste hodi informa situasaun ne'e – Forsa sira laiha/mamuk. Iha fulan-Dezembru, koluna nasional dahuluk kompostu hosi kompañia ida liuhosi Sul, to'o iha Alas, liuhosi Turiscai. Iha ne'ebá hasoru-malu ho inimigu no filahikas liuhosi Laclubar hodi fó-hatene katak sira mamuk hotu. Iha fulan-Maiu tinan-1980 koluna foun ida, ho meia kompañia, ne'ebé diriji hosi membru C. C. FRETILIN nian – XANANA -, hahú liuhosi parte Norte ho objetivu atu ba to'o iha

fronteira sira no mós hakarak atu hatene loloos kona-ba faktu hirak ne'ebé sira apresenta informasaun bosok ne'ebé hetan nu'udar falsu no tanba propaganda inimigu nian. To'o besik Remexio, hafoin tiru-malu ho forsa inimigu nian ne'ebé mai hosi kapitál atu taka ketik pasajen no kordau ho susar oioin tanba la hatene terrenu/kondisaun natureza nian koluna ne'e filahikas ba Sentru Leste, no iha fulan-Agostu, delegasaun ida ba Kablaki liuhosi Sul. Fulan-Outubru besik ramata, delegasaun ne'ebé haruka ba ne'e hetan malu ho grupu ki'ikoan rua ne'ebé atua mesamesak iha Kablaki no Mamelau. Hafoin asalta tiha Dili. Iha fulan-Juñu tinan-1980, Kompañia ne'ebé atua haleu kapitál no filahikas ba Railaco, Bazartete no Tibar mai hasoru koluna Ponta no Sentru Leste nian no, iha prinsípiu fulan-Dezembu, resistente sira Sentru Sul no Fronteira Sul nian mós to,o.

Hahú hosi ne'ebá, iha fulan-Dezembu tinan-1980, konsege iha ideia ida ne'ebé objetiva/loloos kona-ba situasaun País nian. hetan beibeik impedimentu hosi inimigu hodi hahú haree Ponta Leste nu'udar alvu prinsipál tuirfali Sentru Leste, no Organizasaun masa sira iha kampu konsentrasaun komesa hatene ona kona-ba ita-nia prezensa, iha loraon-1 fulan-Marsu tinan-1981, hahú 1ª Konferénsia Nasionál Reorganizasaun nian iha País no hodi harii Partidu M-L/FRETILIN, reuniaun ne'e ramata iha loraon-8 fulan ne'e duni.

REZEÑA/DESKRISAUN MEMORIÁL KOMITÉ SENTRÁL FRETILIN NIAN. PERÍODU KAMPAÑA DESTRUISAUN BA BAZE VERMELLA NIAN

Iha Fronteira Sul, membru sira C.C.F. nian hanesan Komisáriu Polítiku Cesar Mau Laka no adjuntu sira Paulo Rodrigues, Feliciano Fátima, Tó Barbosa, António Pádua no Gari Buhana (Joaquim de Nascimento). Komisáriu Polítiku ho tan adjuntu 3 no populasaun sorin ba Fronteira Norte no Gari Buhana ho populasaun sorin no Forsa ba Sentru Sul no António Pádua hela nafatin iha ne'ebá, to'o mate. Gari Buhana, durante operasaun iha Sentru Sul hase'es an dala ida tan ho populasaun Fronteira Sul nian ba parte Ramelau nian no ikusmai hetan kapturasaun, no asasinadu/ema oho. Komisáriu Polítiku Laka, iha fulan-Janeiru tinan-1979 mai hosi Fronteira Norte, ne'ebé Komisáriu Polítiku Mau Kruma hela ba, Komandante Setór Meno Paixão no adjuntu Fera Lafaek (António Carvalho), Ali Alkatiri, Rui Gonçalves no Floriano Chaves.

Komisáriu Kruma, ema kaptura no oho iha prinsípiu tinan-1979 nune'e mós Fera Lafaek. Meno Paixão, Ali Alkatiri, Rui, Tó, Feliciano no Paulo adere tiha ba Movimentu SKYLIGHT no, sira bosok populasaun no Forsa sira hodi rende ba inimigu.

Hela Iha Sentru Norte: Alarico Fernandes – Sekretáriu Departamentu Informasaun no Seguransa, João Bosco – Komisáriu Polítiku no Mantalvão, Afonso Redentor no António Pinheiro – adjuntu sira ne'ebé mak promove SKYLIGHT rende tiha mós ba invazor sira ho Forsa no kilat.

Hela Iha Sentru Sul : Prezidente FRETILIN no RDTL nian - Nicolao Lobato, Xefe Estadu Maiór – Bere Manu Koko (Domingos Ribeiro), 1^o no 2^o Komandante Brigada Xoke Sebastião Sarmiento no Guido Soares ikusmai mate iha tinan-1978 nia rohan, Komisáriu Polítiku Responsável Setór nian, Lere, Kamarada Lear no Bi Lear nia maun/alín no Komandante Setór Mau Luli (Valente Soares) no adjuntu sira Kakuk (Eduardo dos Anjos), Somoxo (Natalino Leitão), Sekar, José Maria, Artur Nascimento, Soi Mali Sekar nia Bibere) sira hotu mate durante operasaun ka hafoin operasaun.

Hela iha Sentru Leste : Vise-Prezidente FRETILIN no 1^o Ministru RDTL Mau Lear no Komisáriu Polítiku Nasionál Bieki Sahe ne'ebé iha tinan-1978 nia rohan muda fali ba Fronteira Norte no sira mate iha Sentru Sul iha fulan-Fevereiru tinan-1979.

Komandante Setór Hermenegildo Alves, adjuntu We We no Bi Lear ikusmai ema kaer no oho, Adjuntu sira manu Kei (Oscar de Araújo) no Nahe Berek (Saldanha) mós mate hotu iha tinan-1979. Komisáriu Polítiku Lari Sina (Abel Ximenes manobra/bosok tiha Forsa sira Setór nian hodi rende ba inimigu iha prinsípiu tinan-1979.

Iha Ponta Leste : Komisáriu Polítiku Sera Key (Juvenal) no adjuntu sira Mau Hunu no Solan, Xai no Xanana. Hafoin ruptura/haketakmalu, Komisáriu Polítiku Sera Key adjuntu Solan no Mau Hunu ba Ponta Leste: Komisáriu Polítiku Sera Key no adjuntu Solan, ema kaptura no oho tiha. Adjuntu Xai no Xanana konsege sai hosi ruptura/hekak-malu ne'e hosi Matebian ho Kompañia ida ba Estremu Leste territóriu nian: Adjuntu Xai Mate iha tinan-1980 nia rohan. Nune'e to'o iha 1^a Konferénsia Nasionál hodi Reorganiza hikas País,

sobrevivente 2 C.C.F. nian mak hanesan “ Kay Rala Xanana Gusmão ne’ebé ikusmai dezempeña funsaun hanesan Komandante-em-Xefe no Mau Hunu Bulerek Karatayanu, sira nain rua sai nu’udar membru Komité Polítiku Komité Sentrá FRETILIN nian.

DISKURSU

Kamarada membru Comité Centrá FRETILIN nian, Kamarada no kompañeiru-da-luta sira, ohin hahú enkontru ida ne’ebé ho importánsia vitál ba ita-nia povu no ba ita-nia Revolusaun. Ohin ita hotu iha ne’e hodi prezide Konferénsia ida ne’e, membru sobrevivente rua ne’ebé la tauk mate no gloriozu Comité Central FRETILIN nian asume kompeténsia sira Komité Sentrá FRETILIN nian. No nu’udar ita-nia devér, atu manifesta/hato’o tita-nia hanoin, ita-nia admirasaun no respetu boot, hodi hanoin hikasfali ita-nia eroi sira hosi sábiu/matenek, no korajozu gloriozu Comité Centrá FRETILIN nian: Kamarada sira Nicolao dos Reis Lobato, Mau Lear, Bieki Sahe, Hatta Ulas Timur, Mau Kruma, Cesar Mau Laka, Sera Key Uau Gure, Lere, Bere Manu Koko, Kakuak, Kakeu, Fera Lafaek, Ué-Ué, Bi Lear, Naha Berek, Mau Siri, Kakuk Lulik dos Anjos, António Pádua, Floriano Chaves, Xai-Malay, Mau-Luli, Soi Mali, Manu Key, Somoxo Mataro Mimirake, Sékar, Hermenegildo Alves, Mau Solon, Gari Bohana, Artur Nascimento, Guido Valadares, Muki, Goinchete no Mau Lenas.

Tanba ezemplu ne’ebé ho patriotizmu boot no másimu fidelidade ba sira-nia prinsípiu no ideia sira, mate hirak ne’e refleto/hatudu mai ita nu’udar roman boot ida ne’ebé nabilan ne’ebé sei leno ita iha sirkunstánsia hotu-hotu luta nian nu’udar motivu hodi habki’it ita, lorldoron, ho determinasaun no ódiu boot ba imperializmu no ba inimigu sira Pátria no Povu nian. Hanesan konsiderasaun boot, domin no tristeza, ligadu ba sira ita ida-idak no ba ita hotu nia sentimentu ne’ebé labele haluhan nu’udar kompañeiru-de-luta no kamarada revolusaun nian, tanba brani hasoru susar no terus oinoin, iha sakrifisiu no revés, sira unidu nafatin iha problema funu nian ba solidariedade kombativa no sakrifisiu, ne’ebé mak ita sei hanoin Kuadru Médiu no inferior hothotu, sivil no militar sira ne’ebé mak entrega an tomak ba knaar Revolusaun nian no mate eroikamente iha kampu batalla nian. Ita labele haluhan mós ita-nia valorozu kombatente sira hosi glorioza Falintil ne’ebé mate hodi defende

integridade Pátria nian no defende Povu Maubere. Ita hanoin mós Timór-Leste nia oan verdadeiru sira ne'ebé la nega sakrifisiu ba sira-nia vida rasik hodi liberta ita-nia rain.

Ba eroi hirak ne'e hotu, prinsipalmente, ba doben membru sira Comité Centrál FRETILIN nian, onra no glória eterna ! Um-minutu-de-silénsiu.

Kamarada sira Kuadru no militante , sivil no militar ! Iha ne'e mak ita sei hola rezolusaun difisil sira, rezolusaun ho karáter estratéjiku no tátiku, rezolusaun sira ne'ebé sei define kontinuedade Rezisténsia armada : Rezolusaun sira ne'ebé mak sei permite atu kontinua nafatin libertasaun Povu Timór-Leste nian.

Hafoin operasaun sira ho kapasidade boot ne'ebé hamosu mate no destruisaun iha ita-nia Rain/Pátria. Hafoin destruisaun ne'ebé halo iha matebian, iha fulan-Novembru tinan-1978, ho destruisaun ba última baze-de-apoiu, diresaun buka nafatin atu fó solusaun ba sítuasaun ne'ebé ladun seguru iha ita-nia País.

To'ó fulan-Marsu tinan-1979, períodu ida ne'ebé mak hahú hala'ó modifikasaun radikál kona-ba intensidade asaun militar nian no ho korelasaun forsa sira, ne'ebé inimigu sira tau kedas batallaun 30 hodi halo defeza ba ASEAN, ho ameasa ne'ebé Konfederasaun Indochina nian hodi halo estabilidade ba Sudeste Aziátiku. Hanesan hateten tiha ona katak, to'ó fulan-Marsu tinan-1979, País tomak sofre konsekuénsia boot tebes tanba operasaun kona-ba kampaña destruisaun ba Baze Vermella tanba sira lakon total no, tanba manobra hosi kapitulasionista no traidór sira, hodi redús tiha 95% hosi ita-nia efetivu no materiál sira Falintil nian. Oras ne'e daudaun, Povu Maubere iha hela asasinu okupante ita-nia rain nia liman. Oras ne'e sidaudaun mós, Povu Maubere submete hela ba explorasaun ne'ebé aat liu hafoin inimigu espolia, naok no foti buat hothotu. Períodu ida ne'e hamosu situasaun ida ne'ebé delikadu/susar liu ba ita-nia luta. Comité Central FRETILIN nian, iha rai-laran, redús tiha ba elementu nain rua de'it no Diresaun média no inferiór, redusaun ne'e to'ó 90%. Setór Sentrál sira Kuadru no Força laiha mamuk

tebtebes tanba ne'e mak destaka de'it gerrilla ba parte sira Manatuto nian, iha Sentru Leste, no sira seluk hanesan parte Kablake, iha Sentru Sul. Frontrira rua ne'e hatudu kór/situasaun ne'ebé hanesan. Destakamentu Fgerrilla reziste nafatin iha Mamelau ho Forsa grupu kí'ik ida iha parte Dili no Bazartete nian. Dalaruma sei iha tan grupu Forsa izoladu seluk iha Sentru Norte, Sentru Sul, iha Fronteira Sul no Fronteira Norte. Ponta Leste, ho esforsu hothotu nian, Kuadru, kombatente no populasaun sira, konsege duni evita dezastre boot sira seluk kona-ba luta nian. Iha fulan-Marsu tinan-1979, relasiona ho ofensiva ne'ebé perigu tebes hosi inimigu liuhosi dalan alisiamentu/bosok, no futulia ho kapitulasionista sira SKYLIGHT, Diresaun hosi Setór Ponta Leste atravesa faze ida ne'ebé susar/krítiku tebtebes.

Ami lakohi haluhan mós kona-ba reuniaun Lalenu – Luapala, n'ebé fó-hatene ba Kuadru sira ne'ebé iha hotu ne'ebá, kona-ba situasaun nasional. Situasaun kontrolu nian no propisia ba kapitulasaun sira. Kuadru sira hatan ho firmeza katak sira determinadu ka prontu atu kontinua luta ne'ebé nia knaar prioritária mak atu Organiza Setór no, oinsá atu salva País, ami hahú hosi Ponta Leste. Kamarada sira, sira ne'ebé iha ne'ebá, objetivu tebes no ho fiar an hatudu kedas knaar Diresaun nian.

Ohin, hafoin liu tiha tinan rua ho susar oioin, hafoin hakat liu mós períodu ne'ebé ho obstákulu barbarak ami Kuadru hothotu mai hosi País tomak. Tinan rua liuba ita sente katak laiha pilotu/dirijente ida atu diriji enbarkasaun ne'ebé frájil ne'ebé desfaselada hosi laloran funu nian ; tinan rua ona mak ita sente ajitasaun boot hosi furakaun sira ne'ebé harahun ita-nia País hahú hosi zona hirak ne'ebé vizivel fortifika ne'ebé bele identifika ; tinan rua ona mak ita sente situasaun ne'ebé grave tebes. Temporál mós hahú fraku, maibé ita dook hosi buat ne'ebé hetan ona hosi tasi. Leme hosi ita-nia

embarkasaun besik rahun totalmente ona, dala ruma naklees, ró iha kuak barbarak, remu/ai-hean mós tohar hotu, tinan rua ona mak ita tama iha situasaun ida ne'ebé susar tebes, demolidór/bele hamosu destruisaun. Tubaraun sira imperializmu nian, ho sira-nia lian ne'ebé maka'as hatauk ema tanba rankór hanesan ran ne'ebé habokon ita-nia isin-lolon hodi doko no hakarak hamou'ut atu ró ne'e. Ita evita perturbasaun jerál atu labele ezgota/mohu. Hahú ohin, ita sei diskute kona-ba oinsá mak ita hadi'a fali ró ne'e, nia lan sira, remu/ai-hean no leme/ventuiña. Hahú ohin, ita sei diskute kona-ba distribuisaun servisu no oinsá atu mobiliza povu. Nune'e de'it mak, ita bele hanoin atu sai hosi bee lihun ida ne'e. Maibé, ita labele hadi'a ró ne'ebé sei nakdoko maka'as hela taan de'it ánsia hakarak hadi'a lalais ninia lan sira, atu nune'e anin huu bosok de'it bele naklees aat liu fali uluk, tanba ita haree katak kalma hela, ita labele reforsa ró nia lolon bainhira ita la haree laloran boot ne'ebé sei mai hosi oin. Ka, fiar iha situasaun ne'ebé haree katak kalma hela no ita hotu haree katak presiza duni halo ró ne'e la'o, ita haree de'it ba aparénsia no ita la haree ba grau importánsia no nesesidade atu haree kona-ba oinsá bele hadi'a ró-beiru ne'e tomak/kompletu.

Balun hanoin katak lan de'it to'o ona, tanba anin huu hosi lorosa'e no sei lori duni ró ne'e to'o iha portu/ponte-kais, ita haluhan tiha katak dalaruma, anin bele huu neineik. Sira seluk hateten katak remu/ai-hean de'it to'o ona atu ita hotu hean nafatin tuir ita-nia forsa, sira la haree katak ita-nia esforsu sei aumenta liutan tanba volume bee ne'ebé sulin hosi ku'ak/le'et sira no sira la haree katak bainhira laiha remu/ai-hean lan sira ita sei labele avansa. Sira seluk fali hateten katak modifika de'it leme/ventuiña to'o ona no la presiza apoiu no la tau iha konsiderasaun eskolla oioin, no ita lahatene atu ba loos ne'ebé laiha rumu/diresaun no mós norte, ita sei mout mezmuke korrente/laloran ki'ik.

Hafoin konsiderasaun inisiál hirak ne'ebé ninia objetivu mak atu alerta/fóhano in ita kona-ba vizaun hirak ne'ebé sala no tendénsia hodi halo análize fragmentária sira kona-ba situaun, ita hahú halo fali revizaun ba faktu sira. Tanba ita funu hela, ne'ebé ita-nia atensaun ba hotu oinsá mak hala'ó funu. Ita-nia funu Rezisténsia popular kontra okupasaun estranjeira liuhosi faze rua keta-ketak.

- Ida 1^o., hosi fulan-Dezembu tinan-1975 to'ó fulan-Marsu tinan-1979, ne'ebé hatudu aspetu sira tuirmai ne'e:
 - a) Diresaun Superiór intakta/kompletu.
 - b) FALINTIL efetivu armada ho kilat hamutuk rihun hitu resin
 - c) Kontrola ho 8/10 populasun País nian.
 - d) Ligasaun permanente ho esteriór/tasi-balu.
 - a) Kondisaun hirak ne'e permite, liuliu, atu hala'ó Revolusaun iha Kampu Ideolójiku no Polítiku hodi aumenta no konsolida patriotizmu povu Maubere nian, konfiansa hosi Masa no hosi Diresaun no garantia iha Luta. Operasaun
 - b) Anikilamentu ba FALINTIL sira liuhosi 80% ho persentajen armamentu ne'ebé boot tebtebes.
 - c) Lakon Baze Vermella no mós lakon kontrolu ba populasun sira.
 - d) Ligasaun ho Esteriór kotu no difikulta tebtebes ita-nia funu/luta.
-
- Ida 2^o-, ne'ebé estabesele iha fulan-Abril tinan-1979 to'ó agora, liga ho situaun atuál ho forsa inimigu nian ne'ebé menus ba beibeik no mós ita-nia forsa rasik, karik ita la haree oinsá halo korresaun ne'ebé justu no efikás kona-ba forma oinsá diriije funu.

- Ita husu, tanba saida, mak ita bele to'ó iha situasaun ne'ebé difisil hanesan ne'e? Oinsá mak ita bele to'ó pontu ida ne'ebé krítuku hanesan ne'e? Ida ne'e kontribui mós ba fatór subjétivu no objétivu hirak ne'ebé presiza duni atu enfrenta ho seriedade. Karik ita hakat liu de'it, signifika katak, ita lakohi atu halo ezame ba faktu hirak ne'ebé intervein ne'e detalladamente/kompletu, hodi kondisona no determina lala'ok ita-nia funu nian to'ó situasaun ida ne'e, nu'udar buat ne'ebé ita ida-idak lakohi, nu'udar obrigatóriu ita tenke la'ó tuir evolusaun no kontinua la deskobre loloos ita-nia falla/sala no mós ita lakohi atu korrije/hadi'a buat hirak ne'e.
- Funu ne'e manan liuhosi kondisaun polítika, materiál, ekonómika, militar no naturál sira ne'ebé iha hodi favorese ba sorin ida no desfavorese sorin seluk, buat ne'ebé determina vitória ida ne'e mak kapasidade subjétiva komandu nian. Iha ne'e mak reside/hatuur pontu prinsipál kestaun ida ne'e nian, nu'udar xave hosi problemátika funu nian. Ita hasai hosi erru/sala hirak ne'e lisaun nesesária sira, nune'e de'it mak bele permite kontinuidade luta armada Rezisténsia Nasionál hasoru okupasaun estrangeira iha ita-nia Pátria.

Hosi faze inisiál Rezisténsia espontánea konsolidasaun ba Baze Vermella sira ita hetan avansu ida ne'ebé labele kontrola iha planu Ideolójiku no Polítiku ho objétivu atu kria kondisaun ba Povu atu hetan hikasfali podér. Progresu boot ida ne'e nu'udar ita-nia pontu forte no mós nu'udar baze ba atividade sira Rezisténsia nian. Ida ne'e ita tenke orgullu kona-ba kestaun ida ne'e. Ita ko'alia dala barak ona kona-ba apoiu populasaun nian nu'udar tema ida maske ita rekoñese katak iha influénsia boot ba ita-nia Rezisténsia nu'udar forsa Revolusaun nian, ita temi kona-ba nia, apoiu, laho ligasaun nesesária ka, pior-liu mak, la

hatene loloos kona-ba ninia esénsia. Servisu polítiku ne'ebé hala'ó iha Baze Vermella sira fó fatin ba Povu Maubere atu partisipasaun ativa no konxiente iha luta. Povu mak halo funu tanba nia partisipa iha funu no, ita to'ó rezultadu ne'e dí'ak tebetebes, ba prátika inkontestável, ita deve Diresaun Comité Central FRETILIN ninia matenek loloos/korretu no justu. Ita temi apoiu populasaun nian hanesan buat abstratu ka asesória ida, ita ko'alia kona-ba partisipasaun populasaun nian nu'udar buat ne'ebé konkretu, réal no fundamentál.

Iha karáter ne'ebé loos liu no bele ka'er/apalpável bainhira ita define katak Povu partisipa iha luta tanba, tuir loloos , luta ne'e Povu nian no la'ós ita-nian de'it. La'ós de'it FALINTIL nian. FALITIL sira nu'udar ema ne'ebé iha oin/vanguarda kombativa hosi Povu ida ne'ebé hakarak liberta an hodi konstitui katak Diresaun mak ninia vanguard dirijente.

Tanba ne'e, hafoin haree tiha situasaun no planu polítiku, ita husu ba ita-nia an rasik kona-ba kauza hosi retrosesu ida ne'e. It abele hateten katak retrosesu atinje de'it planu militar, ka alkansa ona nível sira seluk? Atu hatan ida ne'e, ita haree ba realidade no nia mak sei hatudu, ho seguransa, baze hosi ita-nia konkluzan.

1. Hosi destruisaun Baze Vermella sira, ita sofre konsekuénsia negative iha planu ekonómiku kona-ba subsisténsia FALINTIL sira-nian, maibé ida ne'e la impede sobrevivénsia ita-nia Forsa sira.

2. Tanba destruisaun ita-nia Baze Vermella sira, Povu Maubere hetan impedimentu atu uza ninia liberdade demokrátika sira, Maibé, situasaun foun ne'ebé konsolida konxiénsia polítika Masa nian.

3. Ho mate hosi elementu-xave sira Diresaun Superiór nian provoka derrotizmu hosi parte Kuadru Superiór no Médiu balun. Maibé, situasaun foun halo sira haree sira-nia subjektivizmu ne'ebé sala no barak liu hosi sira mak partisipa iha luta ho forma oinseluk.

4. Kapitulasiun hosi Kuadru Superiór no Médiu sira hamosu redusaun importante ida iha efetivu no material FALINTIL nian no redusaun ida ne'e implika estagnasaun/paralizia ida ne'ebé ita la bele evita iha asaun armada hodi hamosu difikuldade boot ba luta.

Iha ruzumu, planu ideolójiku, Kuadru Superiór no Médiu sira hakruuk tanba presaan inimigu nian, hodi hatudu la'ós de'it frajilidade kona-ba klase nune'e mós indentifikasaun Partidu nian. Kombatente sira, barakliu, monu ba akontesimentu hirak ne'e, ida ne'e hatudu katak asaun polítika ba FALINTIL sira-nia menus liu. It abele afirma katak, retrosesu atinje planu military, hodi provoka situasaun ne'e rasik saltu kualitativu ida kompletu.

Ponta Leste sobrevive/moris ho derrota boot ne'e. Ita husu. Seráke Kuadru no forsa sira hosi Setór ne'ebá iha idoneideda polítika? Ita tuir opiniaun katak ita la bele rezumu ne'ebé sala ba sobrevivénsia Ponta Leste nian kona-ba fatór maior asimilasaun ka interiorizasaun Liña nian. Resposta katak Ponta Leste sobrevive/moris nafatin ho sakrifísiu hosi parte seluk País nian.

Kamarada barak mate atu ita bele kontinua moris nafatin, konxiente katak ita sei la bele nega ran nia folin ne'ebé eziji ba sira. Kamarada barak mós rende ba inimigu tanba derrotizmu ka razaun seluk ruma ka tanba

kondisaun sira ne'ebé difisil/susar konkretu tanba sira liuhosi situasaun ne'ebé konkretu. Ita la nega katak, tanba esforsu ema hotu nian, mak ita konsege, Ponta Leste, la'ós de'it sobrevive maibé oinsá mak ita organiza an hodi koñese ita-nia potencialidade sira. Maibé ita nunca bele haluhan kata ita-nia sobrevivénsia deve, barakliu, sakrifisiu hosi kamarada sira seluk.

Ita bele hateten, ho liuafuan badak, katak objetivu estratéjiku hosi operasaun sira kampaña destruisaun ba Baze Vermella sira konsege tanba. Ita afirma nafatin katak inimigu seidak manan funu. Sira manan duni batalla importante ida, ita rekoñese duni, maibé sira kondenadu ba derrota.

Maibé, afirmasaun ida ne'e implika atu ita bele korriji/hadi'a ita-nia métodu atusaun nian sira uluk katak, hahú haree ba falla/sala hirak ne'e , prevee ona atu labele halo tan iha future/tempu ikusmai. Ida ne'e fundamentál tebes no karik ita la halo hanesan ne'e ita sei ramata ho derrota. Fatór subjektivu Komandu nian nu'udar determinante hodi kondús/kdirije ita-nia funu hodi to'o ba vitória. Ita hatene momoos kona-ba pontu ida ne'e.

Ba dahuluk/1^o lugar, ita tenke tau kestaun ida ne'e tanba prinsípiu sira, bainhira laiha asimilasaun loloos/korreta no krítika, ita sei labele hakat liu difikuldade boot ida ne'e, ho ninia akizisaun de'it mak bele hetan orientasaun ida ne'ebé objetiva iha ita-nia atividade sira. Ida ne'e signifika katak unidade-de-prinsípiu.

Daruak/2^o lugar unidade-de-komandu liuhosi vizaun marxista ida hosi fenomenu hirak ne'ebé sei insentiva dezvoltimentu integrál knaar sira Luta nian ne'ebé laiha impedimentu hosi orden subjektiva no unilaterál atividade sira-nian simu nu'udar interdependénsia nesesária.

Datoluk/3^o lugar, aplikasaun efetiva, réal no konxiente, prinsípiu sira Partidu nian no métodu sira diresaun nian.

Dahaat/4^o lugar, konfiansa hosi ita-nia kapasidade potensíal subjativa no materiál sira.

Ita sei fó pontu esensiál sira hosi kauza ne'ebé dumina kona-ba ita-nia retrosesu/rekuo/lao ba kotuk.

A.

1- Asimilasaun ba prinsípiu militar hirak ne'ebé ladi'ak mak la aplikasaun dinámika funu nian ne'ebé espesífika iha Timór-Leste.

2- Kuadru militar sira ne'ebé ho instrusaun militar koloniál , ne'e mak difikulta hodi laiha opiniaun iha kampu militar kona-ba prinsípiu sira.

B.

3- Laiha partisipasaun hosi komandu setór sira iha diresaun funu nian tantu atu halibur esperériensia nune'e mós iha empenhu atu sobrepoim interese jerál Luta nian ba interese parsíal sira.

4- Haree katak Komandu Setór sira la ativu hodi dirije funu ho refleksu hosi Komandu funu nian no vise-versa.

C.

5- La aplika liña militar ne'ebé define nanis ona.

6- Atu halo kontra kampaña, laiha planu jerál, nune'e mós laiha esperériensia hosi setór seluk ne'ebé halibur no tranzmite tutan hodi halo korresaun/korrije

duni, setór ida-idak aplika mesamesak/izoladamente no hetan influénsia hosi akontesimentu sira.

7- Forsa prinsipál sira País nian la hala'ó sira-nia papél loloos iha ne'ebé de'it.

D.

8- Informasaun hosi Zona Branka/livre, iha planu tátiku no iha parte sira, maibé simplesmente desterra fali, la tau iha konsiderasaun atu define situasaun hosi ita-nia Forsa sira ne'ebé konsentra hela ka balun de'it.

E.

9- Tauk atu lakon populasaun, ida ne'e signifika katak laiha konfiansa iha Masa/populasaun sira.

Iha ámbitu Komandu Superiór Funu nian:

- 1- La define etapa/faze funu nian.
- 2- Sira la define karáteriska sira kona-ba ita-nia funu .
- 3- Laiha síntéze permanente hosi esperiéncia oioin ne'ebé hetan hosi setór oioin iha planu globál hosi atividade sira funu nian.
- 4- Komandu Nasionál hasai tiha hosi asaun.

ITA SEI HALO EZAME BA KESTAUN SIRA:

Formasaun Brigada ne'e mosu tanba nesesidade atu ezerse superioridade iha planu tátiku no operasionál ho objetivu atu haboot. Liña militar ne'ebé define nanis ona hosi Komité Polítiku atu aplika gerrilla hosi

forsa rejionál sira no Guerra móvel/funu móvel hosi forza konsentrada sira, ekivale katak hahú iha iniciativa iha asaun militar, significa mós katak sentrasaun-de-forza, setór ida-idak sei responsabiliza atu tau iha asaun forza sira intervensaun nian iha atuasaun sira xoke desiziva hodi proporsiona kondisaun hirak ne'ebé presiza duni atu haboot, ho aperfeisoamentu ba tática gerrilla hosi forza sira Setór nian ne'ebé responsabiliza ba defeza baze konjuntu nian no m'os parte sira. Brigada Xoke, bainhira atu atua, sei buka atu anikila pontu fraku sira inimigu nian. Tuir hanoin hirak ne'e, saida mak ita haree? Nein B.X. nune'e mós F.I. hosi Setór ida-idak kumpre sira-nia devér forza konsentrada nian. Tanba sá? Tanba la asimila didi'ak prinsipiu konsentrasaun Forza sira-nian, ita limita de'it ba grau no ita la haree ba forma, hodi kaer metin de'it mak intensaun-objektivu sein liuhosi asaun tática. Ida ne'e nu'udar refleksu jerál iha kombinasan ida hosi ema hotu ba parte sira no hosi parte sira ba ema hotu. Ninia hakarak mak B.X. halo konsentrasaun total no únika hosi ninia unidade, ida ne'e la konsege halo tanba problema ekonómiku hodi hamosu medida ida ne'e. Ikusmai hahú halo kolokasaun liuhosi dispersaun/fahe ba unidade sira B.X. nian., ne'ebé mak loos hela, maibé tuir vizaun ne'ebé iha, iha tempu ne'ebá, kontra-indikada/oinseluk. Nune'e, ita haree katak konsentra forza laiha signifikadu iha grau, forma, tempu no fatin simplesmente iha nesesidade atu konsentra de'it.

Sala seluk mak introdús vizaun ne'ebé ladi'ak kona-ba karaterística espesífika sira iha ita-nia funu ne'ebé hanoin katak ita-nia funu ne'e mak kampaña hanesan kondisaun Xina nian. Ita la halo diferença ba ida ne'e, haluhan tiha mudansa hirak ne'ebé la'o iha estratéjia no tática funu nian enjerál no, iha funu revolucionária enjerál. Ita afirma katak, maske ita kaer metin teoria hosi kampaña ka alterasaun ba kampaña, nu'udar kauza fundamentál hodi la aplika loloos ita-nia forza prinsipál sira. Ida ne'e ikusmai,

nu'udar rezultadu hosi laiha análize ba ita-nia kondisaun espesífika sira. Bainhira, ita la haree kona-ba diferensa iha terrenu, simplesmente kona-ba estensaun, ne'ebé mak ita hakarak fiksa termu kona-ba retirada. Tanba terrenu ne'ebé klo'ot mak provoka, pelu kontráriu movimentasaun ne'ebé laiha planu. Haree katak setór ida-idak iha obrigasaun atu defende ninia uma; serku inimigu nian aperta ba beibeik, bainhira sira avansa, hakloot beibeik ita-nia kampu asaun no mós hafraku ita-nia possibilidade atu halo kontra-ofensiva. Bainhira to'o iha pontu podér atu konsentra forsa sira, ida ne'e signífika ba kualker movimentu libertasaun nian ne'en sei fó avansu boot no iha ofensiva inimigu nia laran tenke hola inisiativa atu ofende/tiru nia ka, ho liafuan seluk, halo kontra-ofensiva. Karik ita konsidera katak kampaña no kontra-kampaña, iha Xina, sira konstitui tiha operasaun estratéjika ida, no la'ós konjuntu hosi funu ida, hodi hamenus tiha ita-nia sala sira iha planu objetivu kona-ba oinsá kdirije ita-nia funu. Hosi sorin seluk ita bele define loloos etapa ida ne'e no prevee fali etapa tuirmai karik ita hakarak alkansa ho konsentrasaun ba forsa sira. Kilat 7500 (kilat rihun hitu atus lima) la'ós kilat rihun ida (1000) nune'e la'ós atus lima (500); nafatin kilat 7500 ninia proveitu adekuaudu mak fó benefísiu ba luta armada. Filafali ba realidade konkreta ita-nia funu nian, nunka atu permite, nein atu B. X. tenke hein atu sai derrotadu unidade pur unidade hanesan buat ne'ebé akontese.

Ita defende nafatin katak materialmente ita bele hapara operasaun ida hosi kampaña destruisaun ba ita-nia Baze Vermella. Sira sei husu mai ita oinsá? Karik operasaun inimiga hahú iha Fronteira rua ne'e, karik konsentra tiha B.X no ita ataka Manatutu, Baucau, Viqueque ka naran kualkér vila kí'ikoan ida hosi Sentru la hosi Ponta, ita sei modifika planu inimigu nian ne'ebé ataka Setór pur Setór? Bainhira operasaun Fronteira Sul nian, Forsa sira hosi Setór ne'ebá ba hotu Fronteira Norte no balun ba Sentru Sul, buak ne'ebé rekomenda kona-ba

kapasidade atu movimentata Forsa sira, maibé ita bele de'it iha Sentru/rai-klaran no Ponta Leste, iha kualkér altura, konsentra iha mínimu kilat 2000 hodi ataka vila ida. Karik ita bele halo nune'e tuituirmalu, iha planu adekuadu ida nia laran prevee mós situaun hosi parte inimigu nian, sei kontinua nafatin sira-nia operasaun tuir estratéjia atu destroe/harahun parte hosi Fronteira sira to'o Ponta Leste? Karik ita derrota inimigu nia pontu fraku no sensível ruma, inimigu obrigadu atu muda ninia planu. Populasaun ne'ebé lakon iha Fronteira Sul nu'udar alerta no ezemplu ida. Ne'e hatudu mai ita katak ita bele lakon populasaun no faktu ida ne'e la'ós implikasaun boot ba ita-nia funu. Aliás, ida ne'e responde duni ita-nia aprensaun sira kona-ba aspetu ida ne'e. Laiha duni, vizaun ne'ebé loloos hosi esperiéncia Fronteira Sul nian. Maske ita konvensidu psikolojikamente katak konsersasaun jerál implika bainhira laiha konsersasaun hosi parte sira, ita nunca hasai hosi ita-nia hanoin tanba tauk atu lakon populasaun ida ne'e mak nu'udar importáncia iha kampu militar hodi hamosu difikuldade boot tebtebes ba ita-nia tropa sira.

Nune'e, ita hakarak, esplika badak de'it katak falla sira hosi karáter subjativa Komandu nian ne'ebé rezulta hosi apresiasaun ba kondisaun konkreta no espesífika sira kona-ba ita-nia Luta no defisiéncia hosi asimilasaun ka dalaruma tanba prinsípiu militar funu revolucionáriu enjerál ne'ebé la kompletu, aspetu seluk ida mak baze hodi la define prinsípiu aplikável sira ba funu revolucionáriu espesífika Timór-Leste nian. Nu'udar rezumu, la konsege to'o objetivu konsentrasaun Forsa sira-nian.

Hatutan mós katak, faktu hosi Kuadru militar sira iha nível Komandu Superiór nian ne'ebé mai hosi klase sarjentu ezérsitu koloniál nian hanesan problema sériu hodi la komprende prinsípiu sira funu revolucionária nian. Akizisaun nu'udar produktu nesesáriu profisaun nian, prinsípiu no lei sira funu

nian tuir pontu-de-vista burgés, haluhan tiha ka sobrepoin fali nesesidade atu haklean prinsípiu hirak ne'ebé loloos no, prinsipál liu, atu deskobre dinamizmu ne'ebé tama iha prinsípiu ida ne'e.

Ita afirma mós katak Estadu-Maiór FALINTIL nian terus tanba laiha iniciativa la'ós tanba laiha koordenasaun kona-ba asaun planeamentu jerál nune'e mós tanba laiha planu parsial ba Setór ida-idak. Estadu-Maiór FALINTIL nian hatene nanis ona estratéjia kampaña inimigu nian. Hafoin esperiénsia hosi Fronteira Sul no Fronteira Norte, iha ona kondisaun atu haree hikasfali ita-nia métodu sira atuasaun nian, hodi elabora planu globál ne'ebé adekuadu, tanba operasaun sira kontra-kampaña nian, iha Sentru sira no Ponta Leste, alternativa seluk hodi fó resposta ba kampaña tomak. Iha ne'e, falta vizaun marxista hosi problema sira. Apresia mós atividade militar sira durante tinan tolu liubá. Ita bele afirma katak Komandu Setór sira la hala'o loloos sira-nia misaun Komandu nian kona-ba planeamentu Setoriál operasaun nian, kona fali ba knaar sintetizasaun esperiénsia no kontribuisaun kona-ba dados sira hodi halo reverifikasaun kontínua iha nível Estadu-Maiór FALINTIL nian kona-ba ideia ka pontu-de-vista báziku nesesáriu atu hetan koñesimentu ne'ebé klean kona-ba realidade. Sira la ba no mós la ajuda E.M.F. nune'e mós dirigente militar iha sira-nia Setór. Operasaun hosi glorioza FALINTIL sira nu'udar rezultadu hosi brani no no iniciativa Komandu hosi Kompañia, Pelotaun no Seksaun sira. Ida ne'e la signifika katak ita nega tiha partisipasaun pesoál hosi Komandu Setór sira, ne'e mós seidak, sira mak iha batalla/funu bainhira hahú invazaun.

Kestaun mportante ida mak, hanesan kestaun militar, abandona tiha hahalok hosi kombatente sira Diresaun Superiór no Média funu nian hamenus tiha sira-nia partisipasaun iha Organizasaun. Loos duni hamenus tanba ida ne'e de'it?

Ami konkorda katak la'e. Maibé iniciativa hirak ne'ebé mai hosi parte ida ka hosi parte ida seluk la invalida ami nia pontu-de-vista. Ami afirma mós katak, iha luta entre kampu no konseitu rua ne'e, hetan vitória ne'ebé inutil kona-ba ida ne'ebé verdadeiru. Inkusmai, Komité Permanente, estuda didiak problema militar hodi alerta Komandu Setór sira atu estuda didiak no klean kona-ba kestaun militar, hodi prevee retrosesu ita-nia luta nian bainhira ita la korrije ita-nia falla/sala sira, ne'ebé ikusmai rezulta duni. Ida ne'e hatudu preokupasaun boot hosi Komité Permanente hodi buka solusaun ida ba ba situasaun ne'ebé grave tebes sei dezeña no nu'udar forma ne'ebé ampla/luan. Esforsu ida ne'e de'it, mak nu'udar solusaun loloos ba defensiva nasional ne'ebé tarde liu no la hetan atensaun hosi Komandu setór sira no, ita hanoin inkluzivamente katak, ne'e hosi Estadu-Maiór FALINTIL nian.

Ami aproveita hosi lisaun hirak ne'e no buat ne'ebé presiza mak, agora no liuliu, parte ida-idak labele lakon vista jerál no parte ida-idak tenke tau nafatin interese jerál iha interese parte sira nia leten. Ita hateten nune'e tanba buat hotu sei komprova iha eskala boot kona-ba ita-nia esperiénsia. Maibé vizaun hirak ne'e simplista hosi problema ne'ebé afeta ita, no oinsá de'it ita labele nega sala hirak ne'ebé ita halo no mós labele nega katak hosi sala hirak ne'e bele hadia'a ita-nia hahalok sira tuirmai. B.X. forma tiha no la'ós forma tan de'it simples razaun katak, hafoin forma tiha, ninia aplikasaun la obedese kondisaun no situasaun konkreta spesífika sira ita-nia País nian. Karik, iha reuniaun ida ne'e, presiza atu ita rezolve problema hanesan ne'e, karik sei la hetan efeitu atu hamenus pasu ida hosi ita-nia Luta. Nu'udar buat ne'ebé ita hateten ho liafuan badak de'it kona-ba Komandu no mós Forsa prinsipál sira.

Tanba la halo alterasaun ba kampaña, maibé, truka fali operasaun kontínua, ne'ebé ita hanaran nu'udar operasaun envergadura ne'ebé

dezenvelope hosi inimigu, hahú kedas hosi 2^a metade tinan-1977 to'o 1^o trimestre tinan-1979, nu'udar operasaun Kampaña destruisaun/harahun Baze Vermella sira.

Ita hateten katak, konseitu ne'ebé la asimila loloos mak kona-ba funu movimentu tanba ita la'ós fleksível iha aprendizajen kona-ba teoria, dala barak ita la brani lansa liafuan mamuk ida ne'e no la hanoin kona-ba inversaun hosi papél no, la sukat konsekuénsia ne'ebé boot hodi hamosu mai ita lójika hodi halo afirmasaun: "Ho funu movimentu, ita halo sira ne'ebé bokur sai krekas no krekas ba mate". Tanba la asimila loloos mak hamosu buat ne'ebé kontráriu. Ita-nia eroi barak mate tanba moras, desgaste fíziku, tanba aplikasaun hosi "funu movimentu", nu'udar konseitu ne'ebé hetan iha tempu ne'ebá. Konseitu ida ne'e, interpreta sala tiha, hodi simu fali konseitu hirak ne'ebé laloos, hodi hasai tiha fali planu ida ne'ebé aseitável, ne'e vizaun marxista ida hosi operasaun militar sira. Forma oinsá mak atua iha operasaun sira kontra-kampaña nian mak halo ita rekua fali hosi liña nu'udar opozisaun ka habadak liña Oin nian no diresaun operasionál. Buat ne'ebé ita halo mak, rekua hosi liña laiha limite, no ita-nia diresaun operasionál sira, hetan klasifikasaun nu'udar prinsipál no sekundária, nu'udar ditadu hosi impozisaun inimigu nian iha Setór ne'ebé atinjidu/afetadu. Ita laiha diresaun operasionál ida ne'ebé estabebesidu ba ita-nia forsa prinsipál sira nune'e mós Setór ida-idak laiha diresaun operasionál ida hodi nune'e bele aplika inisiativa kona-ba asaun. Ita enjerál, no mós keta-ketak, konsekuénsia hosi akontesimentu hirak ne'e. Inimigu mak komanda duni funu, la'ós atu permanente, maibé ita mak la konsege sai hosi kadru estreitu pasividade nian ne'ebé provoka hosi tendénsia hothotu ne'ebé laloos/sala hodi apresia ita-nia funu spesífika iha Timo-Leste. Ita lakohi sakrifika metade no ikusmai ita lakon hotu. Erru/sala hirak ne'e hotu mosu tanba laiha karáter subjektiva, atu labele repete tan.

Ita hasai hosi lisaun hirak uluk. Ba ida ne'e, presiza atu ita hatene aprende saida mak hakerek iha livru sira. Presiza mós, kona-ba ninia aplikasaun prátika, ita tanke kria distánsia tuir tempu loloos no fatin entre ita-nia kondisaun no mós kondisaun ne'ebé mak hala'o funu revolusionáriu sira seluk. Ita-nia kondisaun la invalida/halakon prinsípiu sira. Maibé, sira husu fali ninia forma aplikasaun seluk. Loos duni kataka Marxizmu iha prinsípiu universál, maibé la'ós dogma ida, nu'udar gia-de-asaun. Nune'e, kualkér movimentu revolusionáriu adapta lei jerál sira ba ninia espesifisidade no ninia kondisaun konkreta. Prinsípiu ida ne'ebé liga ho periodu hosi Baze Vermella sira bele sofre, iha faze ida ne'e, alterasaun kona-ba ninia kontéudu no forma asaun nian. Nu'udar ita-nia devér atu hetan ida ne'e. Ita sei diskute kona-ba ne'e, detalladamente iha reuniaun ida ne'e, prinsípiu ida ne'e no sira seluk atu bele hetan konsensu komun ida.

Nune'e, ita hateten hikasfali, inimigu consege alkansa duni, nia esensiál, objetivu hosi ninia estratéjia kampaña destruisaun Beze Vermella. Maibé ita heree katak la'ós iha período militar mak inimigu anikila FALINTIL sira. Loos duni katak, sira consege provoka duni, nu'udar kebra boot ida ba ita-nia Forsa sira-nia estadu psikiku no fíziku.

Operasaun sira kampaña nian rasik, apezarde destruisaun imediata inisiál ba Fronteira Sul laiha efeito ne'ebé fatál imediatu iha País tomak. Iha operasaun kontra-kampaña hothotu, ita haree katak iha duni rezisténsia ne'ebé kapás, organizada no jeneralizada hosi populasau.

Durante kampaña ne'e, sira atua ho forma rua ne'ebé la hanesan : mobilidade ne'ebé ezejuta hosi Forsa no populasau sira iha Setór hothotu no mós ida iha Matebian. Iha atuasan ida-idak, ita halo sala. Iha Setór sira, movimentasaun populasau nian, aleinde todan no difisil, nu'udar mós faktu

atu Forsa sira bele halo impedimentu ba sira, liberdade kona-ba movimentu no asaun, maske sira fó an tomak hodi halo defeza no seguransa ba baze móvel. Forsa sira la halo rezisténsia loloos, karik ita define oinsá mak bele kebra operasaun hirak ne'e presiza duni atuasaun xoke nian ne'ebé desizivu hodi bele afeta planu inimigu nian. Ba ida ne'e, presiza atu komprende ideia ne'ebé atu habadak liña Frente nian no distinsaun no rekuo/hakiduk hosi liña. Naran Setór hirak ne'e ida ita halo tiha rukuo/hakiduk hosi liña, maisumenus lalais de'it, tuir marxa ne'ebé impoin hosi inimigu. Iha Matebian la'ós de'it buat hirak ne'e maibé ita opta mós kona-ba gerra-de-pozisaun, ho hanoin ida atu taka kuak hothotu no, nune'e, ita lakon totalmente iniciativa ne'ebé bele permite ita atu atende difikuldade sira. Obediénsia no impozisaun hosi inimigu obriga ita-nia Forsa no populasaun sira halo movimentasaun ne'ebé desgastante tebes no devastasaun ba ekonomia ne'ebé kauza hosi tátika terra-keimada (sunu mutuk hotu) ne'e mak obriga populasaun rende.

Loos duni, laiha planu konkretu kontra-kampaña nian ninia preparasaun mak planu polítiku no propaganda. Ita konkorda katak, atu harahun Kampaña hodi evita parte esensiál, kona-ba inimigu nia objetivu mak Komandu Superiór Funu-nian bele kria planu atuasaun nian iha forsa prinsipál sira tanba Setór ida-idak susar tebtebes atu aguenta/suporta atake/envergadura inimigu nian. Planu jerál ida hodi haree kapasidade empenhamentu B.X. (Brigada-Xike) no planeamentu asesória ida ba Forsa sira hosi Setór ida-idak iha múltipla asaun anikilamentu no desgaste.

Iha ne'e, bele hateten loloos katak laiha duni iniciativa hosi ita-nia parte hodi lori ba pasividade. Ida ne'e mak akontese durante funu no, ita repete hikasfali, ita haree de'it iniciativa ne'ebé boot iha nível Komandante subalternu sira.

Tinan rua ne'e reprotá mai ta katak, apezarde esforsu hirak ne'ebé ita halo hodi hadi'ak/mellora, pasividade kontínua ne'e iha nia esénsia maske ita hakarak hatudu inisiativa ho planeamentu ne'ebé lalais no inkonsekuente. Ne'e problema ne'ebé boot ba ita oras ne'e daudaun. Oinsá mak bele kebra pasividade? Hodi hola inisiativa deskontrolada sira. La'ós ida ne'e mak ninia solusaun. Nia xave mak ita tenke Korean hosi sírkulu ida ne'e hodi hahú impoin ba inimigu ita-nia hakarak/intensaun. Obriga sira atu submete ba ita-nia hakarak no konsekuénsia seguransa ho konfiansa tomak ba ita-nia kapasidade réal. Intensaun hirak ne'e nu'udar rezultadu hosi situasaun no kondisaun hirak ne'ebé ita kria ho ita-nia esforsu rasik tanba buat hirak ne'e la monu hosi lalehan ka hosi maromak. Kondisaun sá loos mak iha planu subjétivu Komandu nian hodi hetan inisiativa?

1º lugar, importante atu ita iha vizaun marxista funu no kualkér fenómenu. Bazeia ba ida ne'e mak, ita bele manán naha todan boot kona-ba ita-nia difikuldade iha kampu teóriku hosi ideia hirak, ne'ebé fó-fatin atu hadi'ak ita-nia planu práttiku hosi ita-nia atividade konjuntu sira no, liuliu ba parte sira.

Atu to'ó ba ida ne'e, implika liuliu, hosi ita-nia parte, umildade/haraikan atu aprende ho ema seluk; implika mós sinseridade iha diskusaun kona-ba problema sira ho objetivu atu servi' Povu. Ita lakon tempu no esforsu, karik ita – ida-idak hakarak prevalese ninia pontu-de-vista kona-ba medida atu ita bele hanoin katak nein ita hirak ne'e ida seidauk ba hasai kursu Mestre ka akademia militár ka universidade. Nein ita ida bele, tan de'it razaun katak ita iha igualdade kona-ba sirkunstánsia, mai hamriik hodi hateten katak nia sai peritu iha ne'e ka iha ne'ebá.

Kestaun hirak ne'ebé ita foti labele impoin, maibé atu tau iha konsiderasaun ita hotu nian hodi halo debate loloos ho objetivu atu esklarese lia-loos. Ita labele kompete fali hanesan labarik bainhira, iha reuniaun, ita adota atitude defeza radikál ka ita adota atitude finjida/bosok ida hodi, ikusmai, hasees-an hosi sira seluk ne'ebé ita la konkorda, hodi hatudu attitude sekretarista.

Ita hotu komprometidu ho luta. Sei kusta no, kusta tebtebes, ita renega tendénsia inkorreta hirak ne'e atu bele serví didiak revolusaun ne'e, ka grau ne'ebé hodi sukat ita-nia partisipasaun? Kazu ita ida-idak, lakohi atu sakrifika ita-nia vida rasik hodi serví povu, sei kusta no, kusta tebtebes, sei sai fali nu'udar sakrifisiu ida, ita lakon tiha komportamentu hirak ne'ebé halo parte atu liberta ita-nia an? Tanba ne'e, mak presiza ita haraik an no sinseru atu ita bele hetan vizaun marxista ida hosi fenomenu ne'ebé mak bele esplika mai ita ninia dezvoltamentu hodi fó mai ita métodu korretu atu ita bele hala'o ita-nia ideia/hanoin hodi hakat ba asaun. Ka ho ida ne'e, presiza debate konsiensiozu hosi prinsípiu hirak ne'ebé ninia komprensaun korreta/loloos hodi fó linguajen komun ida ba ita hotu atu akumulá di'ak-liu ka fasil liu iha ita-nia inisiativa sira hodi hadi'ak buat hirak ne'ebé sei tau iha xoke asimilasaun individuál sira, rezultadu hosi esforsu pesoál ne'ebé ita louva tebes, maibé seidauk kompletu. Linguajen komun ne'e sei lori, konsekuénsia ne'ebé la bele evita, mak hanesan unidade ne'ebé metin tebtebes Komandu nian tantu iha planu kona-ba prinsípiu bazilar hirak ne'ebé sei dirije ita-nia atividade konjuntu sira funu nian tantu iha planu hosi prátika, tuir valor korespondente hosi empenhu ne'ebé ida-idak sei reforsa hodi kumpre loloos no metódiku ninia knaar spesífika sira. Nune'e de'it mak, ita bele kondús ho persepsaun ne'ebé loloos hosi ita-nia potencialidade réal sira, hodi salvaguarda no konsolida ita-nia pontu forte sira hodi evita no elimina ita-nia pontu fraku sira, hasoru

inimigu ida ne'ebé maka'as, no dalaruma importante liu. No, hamutuk fó iman ba malu hodi hametin unidade hosi métodu korretu sira diresaun nian, hodi kombat violénsia no halakon pasividade ne'ebé haterus ita.

Ita brani atu derrota ita-nia inimigu ne'ebé maka'as, hodi liberta pátria no povu doben Maubere. Maibé funu kontinua.

Ita hateten katak, iha tinan-2 ne'e, karik ita sura esperiéncia foun ne'ebé hetan rasik ho grau ne'ebé boot kona-ba dezvoltimentu iha domínio oioin. Dezvoltimentu ida ne'e hatudu iha proporsaun bainhira ita hasoru difikuldade boot kona-ba sobrevivénsia. Tinan rua ne'e hanesan ita hateten ona, nu'udar sínteze no konfirmasaun ida. Ita labele klasifika hanesan dúvida ka ezitasaun kona-ba difikuldade estagnasaun. Tuir nia forma, situasaun hatudu tonalidade pasiva iha planu esteríór hosi fenomenu ne'e, maibé nia alimenta kontéudu ne'ebé ativu tebes, alias, afirma karáter ativu lahé presedente.

Iha planu polítiku, masa/populasaun kontraladu no sulan-metin iha kampu konsentrasaun hodi hatudu mai ita determinasaun atu kontinua funu/luta. Iha Rezisténsia ita ida-idak dezvoltolve knaar nesesáriu sira. Esforso hodi komprende situasaun Tomak nu'udar preokupasaun, nu'udar sinál katak prátika, maske limitadu ba raiu asaun ida-idak, konsidera nu'udar komplementu nesesáriu hodi modu situasaun krítika País nian.

Iha planu militar, ita-nia Forsa sira hatene grau kombativu superíór ida no sira hatudu katak la nakdoko ho vontade atu derrota inimigu.

Planu ideolójiku, dí'ak no signifikativu tebes, ida-idak iha konxiénsia katak ita ida-idak, hahú hosi kuadru no komandante haree katak iha duni nesesidade atu aperfeisoa/hadí'ak liutan koñesimentu kona-ba ita-nia liña

política. Buat ida aprende ne'e nu'udar hakat ida ba oin, karik ita haree ba rendisaun sira iha Baze Vermella.

Ita-nia Forsa sira servisu maka'as durante tinan 2 ne'e. Sira terus privasaun boboot sira, situasaun ne'ebé todan tebes, difikuldade ne'ebé boot. Tinan 2 ne'e nu'udar período ida ne'ebé pozitivu teste nian. Ita afirma ho konviksaun katak, dala ida tan, ita derrota inimigu. Tinan 2 ne'e nu'udar período reverifikasaun. Ita garantidu katak ita-nia luta/funu bele kontinua to'o Povu Maubere hetan vitória. Ita bele afirma ho determinasaun katak inimigu sei hakru'uk ba ita-nia forsa no ita sei hakatliu kualkér difikuldade, ita sei hase'es tiha obstákulu hothotu ne'ebé impede ita-nia marxa ba vitória. Ita koñese di'akliu inimigu, koñese mós ita-nia an perante difikuldade no ita-nia kapsidade ne'ebé potenciál ita sei dirije Povu Maubere hodi hala'o funu armada rezisténsia nasionál nian. Ita hanete loloos inimigu oinsá mak halo atuaun no sira-nia atividade interna iha kampu hothotu. Ita toman ona ho sira-nia operasaun iha domínio hothotu. Ita hatene di'akliu inimigu nia pontu fraku no pontu forte sira no mós ita-nia pontu forte sira. Ita hanoin katak tempu to'o ona atu define inimigu iha aspetu hothotu no iha planu estratéjiku no tátiku, signifika katak, bele apresia no hasoru objetivamente.

Loos duni ita avansa, la'ós, tanba, período difisil ka estagnadu/paradu tanba, haree enjerál fenómenu ne'e la para, tanba fenómenu ne'e rasik iha aumentu ne'ebé labele reziste, hanesan prosesu, iha hela mudansa ne'ebé boot, insensível no graduál, karik ita sura hamutuk ka halo rezumu ohin loron nu'udar mudansa radikál vizivel no palpável ida. Karik laiha período ne'ebé bele dehan katak paradu ne'e, ita labele hetan esperiénsia nesesária sira hodi halo verifikasaun ida ne'ebé korreta kona-ba situasaun.

Ita labele evita duni dezastre hirak ne'ebé boot iha nível nasional ? Ita bele hateten katak, tanba ita laiha ideia/hanoin ida ne'ebé loloos kona-ba situasaun, tanba ne'e mak ita-nia esforsu sira demora tebtebes. Representasaun hosi situasaun ne'ebé fó mai ita hanesan, hosi sorin seluk iha nesesidade ne'ebé sériu atu kontrola laias País. Maibé ita keta haluhan katak esforsu sira Ponta Leste nian hahú kedas hosi fulan-Marsu tinan-1979.

Ita haree kona-ba ita-nia pontu forte sira no, hosi parte inimigu nian iha aumentu no hasusar liutan sira-nia pontu fraku sira, buat hirak ne'e hotu la mosu derrepente de'it. Buat hirak ne'e hotu nu'udar obra hosi rezisténsia Povu Maubere nian. La'ós simplesmente nu'udar efeitu hosi rezisténsia iha ai-laran, ita tenke hanoin nafatin ida ne'e. Ita-nia ezisténsia nu'udar determinante, loos duni, nu'udar kondisaun nesesáriu atu ita hatudu impulsu boot iha luta armada. Tanba ne'e, obra boot hosi eróika rezisténsia hasoru okupasaun estranjeira ba ita-nia Pátria nu'udar patrimóniu sagradu povu tomak nian. Funu revolucionária ida nu'udar funu Povu nian. Tinan 2 ne'e hatudu/prova kategorikamente mai ita afirmasaun ida ne'e. Ita tenke, konvensidu katak, hanesan ideia sentrál katak ita la opera/la prodús efeitu bainhira laiha partisipasaun hosi masa patriótika sira Timór-Leste nian. Loos mak ida ne'e ita labele hase'es an hosi nia, karik ita halo, bele hetan risku, tarde ka sedu, imperializmu sira sei taka metin ita. Ita sei ko'alia kona-ba funu.

Tan ne'e, ita hotu mai iha 1^a Konferénsia Nasionál kona-ba kriaun Partidu. Nune'e, kestaun ne'ebé ohin tau la'ós foun. Hafoin eróika reuniaun lliomar nian, ita hotu sente buat ne'e iha ita-nia moris lorloron. Ita hotu moris iha ita-nia isin lolos rasik, iha ita-nia ran no mós iha ita-nia hanoin. Ita-nia bandeira revolusaun nian tenke hasa'e nafatin agora no hafoin funu? Nu'udar pergunta pertinente/apropriadu ida. Pergunta ida ne'ebé Povu Maubere husu

mai ita, sira ne'ebé nu'udar ninia oan loloos, ba ninia servidór sira. Povu Maubere hein no husu atu ita hatan pergunta ida ne'e. Tanba, ita fó uluk resposta no afirma lolos tiha, ho lian klaru no aas katak ita bele. Doben no eróiku Povu Maubere bele iha garantia katak ninia oan lubuk ida ne'e sei la nega ran ne'ebé nakfakar ba ita-nia Pátria. Katak ninia oan lubuk oan ida ne'e sei la trai sakrifísiu boot ne'ebé povu ida sente iha luta ba libertasaun.

Ita temi – Organizasaun Partidu.- Ita la'ós haliburmalu hodi elabora dispozisaun legál ida hodi kria partidu. Ita-nia partidu la'ós kria ho Dekretu-Lei. Ita iha ne'e atu fó resposta ba aspirasaun profundu sira liu hosi ita-nia povu. Ita iha ne'e atu garante continuidade ba revolusaun. Ita-nia partidu moris ho ran revolusaun nian. Ita-nia partidu kria durante funu laran. Ita-nia partidu konsolida tuir konxiénsia Povu Maubere nian. Ita haree kestaun hirak tuirmai ne'e. Tanba saida mak Partidu? No tanba saida partidu marxista-leninista? Tanba, liña jerál sira, partidu ida de'it mak partidu revolusionáriu mak dirije teoria sientífika marxizmu-leninizmu nu'udar organizasaun vanguarda bele mantein aas nafatin estandarte libertasaun nian. Partidu marxista-leninista ida de'it mak bele garante ba Povu Maubere, baze ne'ebé metin hodi kontinua ninia luta ba libertasaun totál no kompleta, hodi garante pás no progresu, ba ninia desenvolvimentu ekonómiku, sósiu-kulturál no polítiku; hodi harii sociedade foun ida no liberta forma hothotu kona-ba dominasaun no explorasaun hosi ema ba ema.

Durante tinan 3 baze-de-apoiu nian, tuir rezisténsia armada kontra okupasaun estrangeira ba ita-nia pátria, ita-nia servisu polítiku desenvolve an hodi kria kondisaun atu povu bele hetan podér. Governu ho forma ida ne'e mak ita hanaran nu'udar “ ditadura democrátika popular” ka “demokrasia foun” no materializasaun ba prinsípiu báziku marxizmu nian mak “ditadura

proletariadu". Ita testu ne'ebé sei lee, ami espoin gradualmente kestaun kona-ba prinsípiu atu ita agora bele komprende nesesidade kona-ba kriaun partidu marxista-leninista FRETILIN, enkuantu ninia forsa núkleu ne'ebé sei impulsiona ita-nia atividade sira, nu'udar naroman ne'ebé sei gia/orienta Povu Maubere iha dalan-kloot revolusaun nian.

Iha kestaun importante seluk. Ita ida-idak lalika tauk atu hateten katak lakohi tama iha partidu tanba la ezije no la obriga ema ida, ho lei prizaun nian, atu kompromete an hanesan partidu. Ita-nia kompromisu ho partidu liuhosi ita-nia prátika/hahalok, nu'udar kritériu-da-verdade. Prátika ida ne'e orienta hosi teoria sientífika marxizmu-leninizmu nian. Ita sira ne'e ida labele hanoin katak karik la tama iha partidu, ema bolu nian ka hatudu nia nu'udar reasionáriu ka tradór. Ka la afilia iha partidu, ema ruma sei kualifika nia nu'udar oportunista ka kobarde. Labele husu favór ba ema ida. Ema ida labele sente marjinalizadu, subjugadu/presionadu hosi tendénsia atu hatudu an tuir loloos labele no hakarak buat ne'ebé nia lakohi. Voluntariedade de'it mak bele regula ita-nia desizaun afilia an iha partidu revolusionáriu ne'ebé mak sei diriji povu Maubere iha servisu boot kona-ba oinsá atu harii sosiedade foun ida no próspera/moris-di'ak iha Timór-Leste nu'udar kontribuisaun nesesária no resíproka hodi salva Umanidade.

Ita organiza partidu ne'e signifika katak ita sei organiza hafoin tinan 2 deskontrolu no desorganizadu. Ita organiza partidu signifika katak ita sei atende no hatan ezijénsia atuál sira luta nian nu'udar pontu-de-partida ba eskalada foun iha rezisténsia armada no, ita organiza partidu signifika, liuliu hatuur fatuk aliserse nian hodi kontinua nafatin revolusaun Maubere nian.

Revolusaun tomak hatudu aspetu favorável no desfavorável sira kona-ba partikularidade negativa no positiva sira. Luta/funu ne'e iha avansu no

rekuo/hakidu, ho vitória no insusesu sira, avansu no retrosesu, ho destorsaun no dezviu. Ba ita, revolucionáriu sira, oinsá tau an iha situasaun konkreta hirak ne'e ida-idak. Luta, laiha susesu, luta nafatin to'o hetan vitória. Ita-nia espíritu kombate nian tenkesér hanesan ne'e, keta haluhan katak ikusmai ita sei manán/hetan vitória ita tenke prepara an nafatin hodi konsolida/hametin.

Aprezenta mós iha ne'e kestaun nesesáriu seluk, debate ideolójika atu garante hanoin ida de'it no linguajen ida de'it. Laiha esforsu boot ida ne'e, la'ós de'it ita la avansa nu'udar partidu sei moras, sei laiha vida no sei laiha razaun atu eziste. Ita enfrenta ho korajen ita-nia frakeza hirak ne'e, ita enfrenta ho korajen ita-nia apriénsaun/aprende no ita-nia reseiu/tauk sira. Komunista ida nu'udar lutadór ida no ita nu'udar lutadór. Ita hahú tiha ona, no ho luta interna no maka'as, partidu ne'e sei iha unidade no forsa kombativa iha kapasidade atu muda obstákulu sira. Pontu importante ida ne'ebé nu'udar kontradisaun fundamentál ita-nia revolusaun nian, no sá tan agora, nu'udar ita-nia kapasidade subjektiva Komandu ka diresaun nian hodi hasoru ezijénsia sira funu nian. Ita afirma katak, atu ita bele atua loloos, presiza ita koñese didi'ak no klean situasaun ida ne'e. Halo investigasaun, analiza ne'e signifika katak koñese aspetu no partikularidade kampu rua ne'e nian kona-ba kontradisaun no buka solusaun ba kontradisaun ka problema ne'e. Maibé, karik ita laiha métudu ida kona-ba hanoin ida ne'ebé permita atu ita diskute, hosi reflesaun sistemátika no aturada hosi kondisionalizmu no aspetu ne'ebé ko'alia kona-ba fenomenu iha funu, ita sei laiha kapasidade ba kualkér asaun. La'ós tanba ita laiha vontade ka motivaun nesesária, maibé tanba ita laiha romanm/orientasaun. Laiha orientasaun/roman ida ne'e, ita sei atua ho obriga an de'it. Naroman/vizaun ida ne'e nu'udar koñesimentu teoria nian, maske koñesimentu ida ne'e tenke klean no, la'ós namlele de'it, hosi akizisaun superfisiál kona-ba situasaun hosi mestre boboot sira revolusaun nian.

Koñesimentu kona-ba teoria la'ós sinónimu hosi rezultadu ema ida-idak nian no negativa, feixadu/taka an, egoista hosi teoria. Maibé implika ninia aplikasaun iha funu/luta; implika mós hakarak atu ajuda ema seluk atu progride no sei implika prinsipalmente mós dezvoltamentu dinámiku hosi ita-nia prátika revolusionária iha situasaun konkreta hirak ne'ebé sempre difisil iha luta.

Aprende, no aprede nafatin, aprende hosi livru no aprende hosi ema seluk. Egoizmu, nu'udar espíritu kompetisaun nian, tendénsia ba diskusaun fásil no mamuk sira nu'udar produktu hosi ita-nia situasaun hosi klase uluk nian. Ita kebra espíritu feixadu/taka an hosi autu-izolamentu ne'ebé hatudu tendénsia ladi'ak hodi kaer metin ita-nia koñesimentu sira, hodi hakat ba diskusaun ho objetivu atu defende an radikalmente ita-nia pontu-de-vista sira katak sira mak loos liu. Ita seidak sinseru loloos kona-ba aprende ho ema seluk nu'udar kondisaun atu dezvoltave di'ak liután ita-nia servisu.

Instrumentu hosi ita-nia servisu no teoria sientífica marxizmu-leninizmu nian, ho ita-nia esforsu komun la'ós de'it atu asimila hanesan mós atu tranzmite ho solidariedade no simu ho brani no sinseramente hosi ema seluk, koñesimentu nesesáriu sira hodi kapasita ita-nia an atu bele kumpre iha prátika no dedikasaun ita-nia devér ho prátika, ho povu no mós ho revolusaun. Ita sei rezolve problema laiha eskola ba Kuadru sira ne'ebé importante tebtibes no hahú kedas hosi Baze-de-Apoiun, laiha livru, laiha kondisaun, ne'ebé impede hosi funu no, iha situasaun konkreta ida ne'e, impoin nu'udar devér hosi Gabinete Polítiku Comité Central Partidu nian, atu halibur livru no apontamentu hothotu ne'ebé iha hodi bele hasai prinsipiu báziku hirak ne'ebé ko'alia kona-ba ita-nia asaun revolusionária. Hodi define konseitu asesóriu no komplementár sira hodi aplika prinsipiu no métodu sira ita-nia luta nian kona-

ba asaun hanesan súmula/rezumu inisiál ne'ebé sei permite, iha kondisaun sira funu nian, koko atu haluan ita-nia vizaun hodi kompriende no asimila objetivu estratéjiku ne'ebé mak ita kontinua bainhira ita iha koñesimentu kona-ba realidade ita-nia País nian. No mós devér hosi Gebinete polítiku Comité Central Partidu nian, atu apoia departamentu Defeza Nasionál hodi elabora programa polítiku nu'udar gia/matadalan ba militante ne'ebé asesível ba Forsa sira hodi halo edukasaun ideolójika klean Falintil sira-nian, serve mós nu'udar matadalan ba militante sira baze nian.

Lemo ita-nia partidu nian mak “Unidade no Asaun”. Unidade monolítica hosi prinsípiu hirak ne'ebé consege liuhosi interiorizasaun kontínua, labele para, liuliu, hosi prátika konsekuente. Unidade iha uzu konstrutivu, permanente, franku no severu kítika auto-kítika nian nu'udar kilat prinsipál partidu nian. Unidade la'ós bazeia de'it iha kamaradajen, maibé nu'udar mós maun-alin no kompañeiru-da-luta, solidáriu iha sofrimentu no iha susesu, iha transformasaun ka alegria ne'ebé nu'udar servisu maka'as partidu nian. Unidade ne'ebé hametin ona liuhosi aplikasaun dixiplina-de-ferru. Nu'udar kondisaun hodi fortalese nafatin no liután Organizasaun ne'e.

Ita harahun ho korajen sobrevivénsia pekenu-burgés nian hothotu ne'ebé hasusar diresaun luta nian dezde Comité Central Fretilin nian, da'et to'o diresaun média no inferiór ninia rezultadu mak ita haree durante luta.

Hanoin beibeik ita-nia orijen no situasaun uluk nian kona-ba klase, maibé halo ida ne'e la signifika no mós labele serve nu'udar razaun hodi justifika ita-nia hahalok hirak ne'ebé laloos. Revolusaun nu'udar prosesu naruk ida, maibé prosesu dezvoltamentu kontínua ida no tanba saida mak la'ós obra ne'ebé ramata ona no simples, luta entre klosan no katuas sira, luta entre situasaun ohin loron nian no situasaun aban nian, luta entre atrazu no progresu, luta

entre estadu atuál no estadu tuirmai no tenke kontinua nafatin. Ida ne'e akontese iha domínio mentalidade nian nune'e mós iha kampu prátiiku hosi ita-nia atividade sira. Ida ne'e ita hakarak hateten katak ita hanoin nafatin ita-nia situausaun uluk nian kona-ba klase, signifika ita-nia edukasaun rasik hanesan alerta iha kombate maka'as no permanente iha kampu pensamentu/hanoin nian no mós asaun no signifika mós hakarak atu progride. Iha ámbitu mentalidade, ita hakarak bolu atensaun kona-ba aspetu predominante ne'ebé ita seidak konsege harahun totalmente mak subjektivizmu. Subjektivizmu ne'ebé mosu iha apresiasaun simplista no superfisiál problema sira-nian. Subjektivizmu ne'ebé rezulta hosi autu-satisfasaun ne'ebé lori ita ba tendénsia katak hein de'it buat hotu mosu la presiza esforsu boot hodi materializa ita-nia planu no hakarak sira. Subjektivizmu mak impede ka difikulta atu interioriza di'ak liután esénsia problema ne'e nian.

Asaun nu'udar luta. Asaun iha prátiika intensa, hodi haree prinsípiu reguladór hosi sentralizmu demokrátiku. Asaun liuhosi direasaun kolektiva. Asaun ne'ebé moris iha demokrasia revolucionária. Kona-ba prinsípiu partidu nian hirak ne'e, ita sei debate klean liután iha Konferénsia ida ne'e. Asaun la presiza tauk sakrifísiu ita rasik entrega an tomak iha kualkér situausaun kona-ba ita-nia vida no iha defeza, lalika nakdoko, ba ita-nia prinsípiu sira. Asaun, prinsipalmente, bainhira simu responsabilidade. Tenke kumpre ita-nia devér sira ho konxiénsia no sakrifísiu rohan laek. Ita tenke, liuliu, sai servidór di'ak ba Povu Maubere. Ita tenke haluhan ita-nia an rasik hodi serví partidu.

Ita nu'udar traballadór, traballadór revolucionáriu ne'ebé defende ideál ida ne'ebé justu, ideál supremu ida, atu salva humanidade, salva ita-nia povu. Tanba ne'e, mak ita nu'udar komunista. Devér ida ne'e, nu'udar tali sagradu hodi kesi metin ita nu'udar verdadeiru komunista hosi mundu tomak iha

kualkér fatin. Hosi País ne'ebé populasaun barak liu to'o ida ne'ebé ladun barak; hosi ida ne'ebé ki'ikliu to'o ida ne'ebé ho kontinente boot liu; tantu iha país ne'ebé dezenvolidu liu hanesan mós ida ne'ebé avansadu liu; iha país socialista ka kapitalista, marxista-leninista verdadeiru sira unidu iha ideál úniku no sagradu ida, hosi ideál ne'ebé kapás no nabilan. Ita sente onra boot tanba halo parte iha movimentu boot ida ne'ebé hasa'e tiha ita-nia país estandarte salvasaun humanidade nian.

Iha, marxa ida ne'e, mak ita hakarak halo duni hodi kontribui ba ida ne'e? Ita hahú atu liberta ita-nia pátria, hodi konsolida ita-nia independénsia nasionál. Hosi Konferénsia ida ne'e, organiza partidu iha 1^o lugar, hafoin buat ne'ebé ita trasa knaar konkreta no nesesária sira hodi bele avansa luta iha aspetu hothotu. Reorganiza país ne'e nu'udar nesesidade hodi define raiu sira asaun nian ne'ebé kompate ba ita ida-idak, define knaar sira Ftente nian. Konsellu Superiór-da- Luta sei reorganiza Falintil sira, hatudu knaar konkreta sira no forma sira atuasaun nian. Kona-ba Partidu sei kompete ba papél dirijente-da-luta nian. Ba ita hothotu, Kuadru no militante sira impoin mós devér atu estabelese no konsolida relasaun ne'ebé dí'ak iha planu internu, iha partidu laran no partidu ho masa ka populasaun sira. Impoin mós ba hothotu devér atu habelar, bolu hodi hakbesik an ba partidu traballadór no kampunés no sira hotu ne'ebé partisipa ativa no konxientemente iha Revolusaun.

Knaar 1^o mak : atu organiza povu Maubere hodi luta. Frente Revolucionária Timór Leste Independente FRETILIN mak Uniaun Partidu nian ho populasaun traballadór Timór- este tomak hodi kumpre loloos ninia devér atu organiza povu Maubere, habelar ninia asaun no bolu mai hamutuk ho nia, verdadeiru patriota sira no mobiliza hodi luta.

Knaar 2^o mak: Ita habelar Organizasaun Frenti nian. Frenti ne'e, ita define nu'udar movimentu ida ne'ebé engloba Nasionalista no patriota Timór Leste hothotu nian laiha distinsaun ba rasa, fi'ar, no ideolojia dezdeke iha pensamentu no asaun, ho forma oioin, sira rejenta maka'as okupasaun estranjeira ba ita-nia Pátria no sira kontribui hodi duni-sai kolonialista javanés.

Iha kampu ida ne'e ita tenke kombate, audásia/korajen, no espíritu autu-izolamentu ne'ebé reflète hosi radikalizmu marjinalizasaun nian ho referénsia Hosi elementu hirak ne'ebé politikamente estrañu. Ita tenke halakon tendénsia errónia ne'e karik la nune'e ita sei lahatene tau iha prátika Frente no Partidu. Ita halo sala barak tebtebes iha sentidu ida ne'e, ho influénsia katak sidadaun Timór-Leste hothotu tenke pertense ba Partidu. Loos duni tanba ida ne'e mak ita hetan atrazu iha funu no maske ita bele esplika indefinisaun hosi Podér no mós Partidu, ita mós labele nega asaun dogmatika barak iha periudu Baze Vermella . Ita tau fali estratéjiku iha tátiku no haluhan ka rejenta tiha aliansa tátika nesesária sira.

Frente nu'udar unidade dialética Revolusaun nian, unudade hosi nasionalista hothotu hodi kombate inimigu komun no kítika beibeik, laiha reseiu, objetivu atu prevalese interese sira maioria nian, signifika katak, interese sira Povu nian. Frente de'it mak sei iha podér atu mobiliza forsa potenciál hothotu ba luta libertasaun nasionál nian. Akumula kondisaun sira hodi manán inimigu signifika habelar organizasaun Frente nian.

Nune'e mak sai nu'udar radikál iha kestaun Frente nian, ita mós atua sala tebtebes kona-ba aproveitamentu no partisipasaun iha luta hosi elementu sira ne'ebé serve mós inimigu. Karik iha tinan rua ne'e ita apresia buat dí'ak balun iha domínio ne'ebé bele fó mai ita vizaun ida ne'ebé luan hosi ita-nia kapasidade, ninia rezultadu seidak satisfatóriu. Kondisaun hirak ne'ebé

favorável hatudu mai ita iha grau oioin. Buat ne'ebé ita halo tiha ona, nu'udar inisiaun, di'ak ona maibé luta ne'e husu atensaun no esforsu ne'ebé boot liu iha atividade hirak ne'e.

Disemina forsa moris sira inimigu nian signifika aumenta ita-nia pontu forte sira no iha medida ida ne'e duni, aumenta pontu fraku sira inimigu nian, ne'ebé rezulta inkapasidade ne'ebé boot ba beibeik, iha kampu militár, adversáriu/inimigu nian.

Knaar da-4^o mak: - Ita ataka beibeik inimigu ho objetivu atu estermína/o ho. Ba Falintil sira palávra-de-orden mak: Ataka nafatin inimigu ho korajen no sakrifísiu hodi liberta Pátria.

Estadu Maiór Jenerál tenke dezempeña loloos ninia papél komandu nian; tenke esforsu an hodi aplika loloos prinsípiu sira funu revolucionária espesífika ba Timór-Leste; tenke atu sai nu'udar komandu réal ida, ativu, dinámiku no plenu iha inisiativa ho konxiénsia luta nian ne'ebé permanente, enjerál no iha parte balun de'it.

Komandu subalternu sira tenke kumpre loloos desizaun komandu superiór nian; tenke mós, iha kualkér situaun, sobrepoin interese hothotu nian no vense ho korajen no desididu tendénsia aat sira hodi lori ita ba vizaun hirak ne'ebé ladiak ba luta. Dixiplina tenke komprende didi'ak no ema hothotu tenke asume, hahú hosi komandante sira. Partisipasaun ativa hosi komandu subalternu sira hodi garante efikásia, hodi orienta ita-nia funu. Nu'udar mós pontu primordiál ida, asimilisaun krítika no klean hosi prinsípiu sira funu revolucionária nian ne'ebé aplikável iha Timór – Leste hosi komandante no Kuadru hosi eskalaun hothotu. Nune'e de'it mak ita bele konsege linguajen komun ida, nesesáriu tebtibes bainhira ko'alia kona-na oinsá ita dirije ita-nia

funu, ne'ebé difisil no todan tebes, hodi eziji ita, liuhosi ita-nia kapasidade subjektiva sira.

Tanba ne'e, mak ita hotu haliburmalu iha ne'e, atu reorganiza diresaun luta nian, reorgsniza Falintil no reorganiza País, asinala konjuntura atuál iha nível mundiál no iha nível àrea, no iha nível internu hodi konsidera partikularidade sira iha kampu polítiku, militar no ekonómiku inimigu nian no ita-nia kondisaun polítika, militar no ekonómika rasik; tau mós iha konsiderasaun situaun interna no esterna inimigu nian no ita-nia situaun interna no esterna, nune'e mós, relasaun entre sira rasik. Halo análise krítika no retrospectiva kona-na ita-nia atuaun, avansu no rekuo/hakiduk, lakon no manán, susesu no derrota, hosi karáter subjektivu ka réal, iha domínio hothotu no iha kampu konfrontu nian rua. Nune'e de'it mak ita bele afirma katak hosi sintetizasaun, hosi prátika anteriór, enjerál no parte balun de'it, ita korrije ita-nia falla sira, no ita sei hadi'a ita-nia esperiéncia positiva sira; nune'e de'it mak ita bele define métodu nasaun nian, ita-nia métodu kombate nian, tanba

Rezistir é vensér !

Pátria ou morte !

A luta continua !

ATA 1ª KONFERÉNSIA NASIONÁL NIAN

Hahú iha loron dahuluk fulan-Marsu tinan-1981, Konferénsia konta ho prezénsa Kuadru médiu nain-59 mai hosi rejiaun hothotu: Ponta Leste, Sentru no Fronteira.

Konferénsia ne'e orienta hosi Comité Polítiku Comité Central FRETILIN nian kompostu hosi membru sobrevivente sira C.C.F. nian ne'ebé hetan tulun hosi Kuadru Médiu nain ruan.

KOMPOZISAUN MEZA

Prezidente Konferénsia – Kay Rala Xanana Gusmão, membru

sobrevivente sira C.C.F. nian

Vogál sira: Mau Hunu Bulerek Karataianu, membru sobrevivente C.C.F.

nian Bere Ma Lae Laka – Kuadru Mádiu.

Sekretáriu Konferénsia: Mau Hudu Ranka Dalak – Kuadru Médiu

ABERTURA KONFERÉNSIA

- Konferénsia ne'e loke ho Inu Revolusaun Povu Maubere nian

FOHO RAMELAU, no Inu Nasionál PÁTRIA –PÁTRIA. Tuirfali, kamarada Prezidente Konferénsia lee diskursu abertura hodi foka, liuliu kestaun hirak tuirmai ne'e :

- 1 – Nesesidade atu Reorganiza País
- 2 – Nesesidade atu hola koxiénsia hodi korrije sala hirak uluk nian.
- 3 – Nesesidade atu kria Partidu.

SESAUN DAHULUK – Domingu, loron-1 dulan-Marsu tinan-1981

- ORGANIZASAUN PARTIDU

Diskursu abertura hosi Prezidente Konferénsia. Tuirfali, lee testu “Pátria no Revolusaun” testu ne’ebé prepara ba 1ª Konferénsia Nasionál Organizasaun Partidu ninia objetivu prinsipál mak ko’alia kona-ba nesesidade atu kria Partidu; Definisasaun kona-ba Podér no Partidu; ho ninia estrutura no mútua relasaun. Testu ida ne’e indispensável atu bele komprende Prosesu Revolusionáriu Mundiál hosi Luta Libertasaun hosi povu sira ne’rebé oprimidu no exploradu, kontra imperializmu no atu harii sosiedade foun ida. Atu bele permite kompriénsaun ne’ebé di’ak no integrál kona-ba testu ne’e, esplika klaru tebetes kona-ba konseitu oioin.

SESAUN DARUAK – Segunda-Feira, loron-2 fulan-Marsu tinan-1981 hakarak

Kontinuasaun ho esplikasaun kona-ba konseitu sira hodi bele komprende testu ne’e. Iha partisipasaun boot hosi Assembleia, hat’o dúvida no foti kestaun hodi participa iha diskusaun, hodi buka lia-loos, no hakarak duni atu aprende ho maluk sira la’hó kompleksu ne’ebé triste hodi impede prosesu kriasaun nian, iha espíritu ajudu mútua entre ema sira ne’ebé luta ba objetivu ida atu servi di’ak liután Luta no Revolusaun.

SESAUN DATOLUK – Tersa-Feira-3 fulan-Marsu tinan-1981

Tuku 6h40m – Ratifikasaun, liuhosi unanimidade no aklamasaun ba eleisaun prezidensiál Partidu no RDTL nian. Eleisaun hala’o hosi Comité Polítiku C.C.F nian.

Tuku 7:00 – Oras lokál Timór-Leste nian. Momentu ne’ebé ho signifikadu istóriu boot no solene kona-ba kriasaun Partidu Marsista-Leninista FRETILIN. Kamarada Prezidente Konferénsia , hodi hateten ho aplauzu fó-sai ho lian aas

konvida ninia Kriasaun no Asembleia, hanesan dudu/fekik hosi mola ida, hamri'ik hateten ho aplauzu akontesimentu ida ne'e no hatan ho estuziazmu palávra-de-orden ne'ebé lansa ona.

Viva Frente Jerál Boot Anti-Imperialista!

Viva Revolusaun Mundiál !

Viva ba justa luta hosi povu sira ne'ebé oprimidu iha mundu!

Viva militánsia internasiolista!

Viva Partidu Marxista-Leninista FRETILIN!

Tuirfali, lee sai Programa Polítiku Partidu nian, Mínimu no Luan, no Estatutu Orgániku ne'ebé mak, hafoin diskute tiha, aprova tiha duni. Hahú lee no diskute programa Frente nian ne'ebé aprova tiha mós.

Halo eleisaun ba membru foun Comité Central Partidu nian, eleisaun demokrátika, livre no konxiente, tuir eskrutiniu livre no sekretu.

Komisaun Eleitorál kompostu hosi Comité Polítiku no Kuadru Médiu nain-2 ne'ebé hili/eskolla hosi Comité Polítiku, kamarada nain-2 seluk ne'ebé partisipa mós iha Meza, hasai fali ba Asembleia. Molok aktu ne'e, Komisaun Eleitorál apresenta ba ema hotu ne'ebé prezente lista ho kmarada nain-16 ne'ebé, iha desizaun Comité Polítiku nia laran, halibur kondisaun nesesária no suficiente, hodi pontu-de-vista asimilasaun teórika dí'ak kona-ba liña no ninia prátika konsekuente ne'ebé hatudu durante iha Luta. Militante hothotu sei eskolla/hili, hosi kamarada nain-16 ne'e, sira ne'ebé mak, ninia hanoin, halibur kondisaun suficiente no nesesária hodi hola parte iha oan sira ne'ebé dí'ak liu

hosi sira ne'ebé di'ak iha ita-nia rain, iha número variável hosi kritéiu sira ida-idak. Hala'ó tiha mós apresiasaun crítica hosi pontu-de-vista asimilasaun teoria no prátika konsekuente no qualidade nian ida-idak ne'ebé bele permite atu dezenvolve iha futuru. Apresiasaun ne'e individuál atu bele permite ba sira ida-idak halo ideia ida kona-ba kandidatu ida-idak no, livre, konxientemente laiha kompromisu, kamarada ida-idak vota de'it iha surat-tahan mutin ne'ebé fahe tiha ba sira no ida-idak se tau nia votu iha urna sira. Número totál hosi votu sira hamutuk 61.

REZULTADU SIRA :

Hosi kandidatu nain-16 ne'e, Komité Polítiku, hili kandidatu nain-9, sira ne'ebé hetan número votu barak liu hodi kompoin Comité Central foun. Iha Partidu, laiha postu no kadeira, iha de'it, knaar boot ka ki'ik ne'ebé sei fó atu militante ida-idak kumpre tuir ninia kapasidade. Nune'e, kompete ba rai ne'e nia oan sira ne'ebé di'ak liu, knaar todan atu dirije luta. Número ne'ebé hili ona hodi responde eziénsia sira agora nian.

Nune'e mak:

1. Mau Hudu Ran Dalak - votu 59
2. Bere Malae Laka - votu 54
3. Kilik Wae Gae - votu 48
4. Sakin Nere Ulas Timor Lemo Rai – votu 45
5. Nelo Kadomi Timur - votu 34
6. Lere Timur Anan - votu 34
7. Mauk Moruk Teki Timur Ran Nakali Lemo Rai - votu 33

- 8. Holi Naha - votu 33
- 9. Hari Nere - votu 29

Kompañeiru sira ne'e mak konstitui Comité Central Partidu nian hamutuk membru sobrevivente nain-2 C.C.F. nian iha planu internu.

Ba sira nne'ebé eleitu, ho vontade hosi maioria, entre ita-nia rain nia oan hahú hosi ne'ebá, ramata sira-nia knaar no laiha tan ona, hato'o ba membru Comité Central Partidu, nian hothotu sira-nia felisitasan boot, husu atu hothotu iha susesu di'ak iha knaar todan ne'ebé mak Partidu reprezenta Povu Timór-Leste, tau iha ita-Boot sira-nia kabaas hodi dirije ita-nia eroika luta no destinu Nasaun nian . Orasaun ida hodi simu entrada membru Comité Centrál Partidu nian foun.

Iha tuku 15/tuku-3 lorokraik oras lokál Timór-Leste nian, membru sira halo sira-nia juramentu, tuir termu sira Estatutu Orgániku nian, katak sira luta hodi defende instranzijente hosi interese sira Povu no Nasaun nian atu sira esforsa an hodi kumpre loloos sira-nia devér.

Eleisaun ba Komisáriu Polítiku Nasionál no Komandante-em-Xefe Falintil nian, tanba auzénsia temporária Sekretáriu - Jerál Partidu nian, sei asume mós ninia funsaun sira, hatán ba Partidu kona-ba planu internu.

Aprezentasaun kandidatu sira :

- a) Tanba seidak harii/kria órgaun ida ho kasidade hanesan ne'e, kompete ba Comité Central Partidu nian atu apresenta kandidatu sira.
- b) Tanba laiha membru foun ida hosi Komité Sentrák mak iha kondisaun hirak tuirmai n'e :

- Esperiência atu dirije iha órgaun Sentrál no Superiór.
- Idoniedade/kapasidade polítika iha grau nesesáriu no suficiente, tanba sira foin mak sai hosi eskalaun médiu.-

Tanba ne'e, mak apresenta membru sobrevivente nai-rua hosi Comité Centrál FRETILIN nian ne'ebé iha kondisaun hirak ne'ebé temi iha leten, tanba esperiência naruk ne'ebé hetan hanesan membru C.C.F. durante lutan tinan-5 ne'ebé tau iha prátika sira-nia kapasidade polítika ne'ebé garante konfiansa polítika no sira-nia firmeza kona-ba prinsípiu no pozisaun.

- c) Comité Central Partidu nian halibur-malu ho exesaun hosi kandidatu sira hodi hili Komisaun Eleitorál ida.
- d) Atu bele permite duni eskolla ne'ebé livre no konxiente, Komisaun Eleitorál halo tiha apresiasaun krítika ida hosi kandidatu sira ne'ebé, tuirmai sei rezume :

Fundador ASDT/FRETILIN nian ida no membru Comité Central FRETILIN nian ne'ebé hala'o atividade ajitasaun ba masa sira dezde loran-20 fulan -Maiu tinan-1974 no, hafoin loran-20 fulan-Agostu, ne'ebé uluk servisu iha Departamentu Administrasaun Interna no Seguransa. Iha ona invazaun, hala'o mós knaar hanesan Komandante Zona iha Sentru sira ikusmai transfere fali ba Ponta Leste iha ne'ebá nu'udar Vise-Sekretáriu Komité Rejionál, tuirfali hanesan Komandante Setór no, ikusliu , hanesan adjuntu Komisariadu. Iha faze ida ne'e, nu'udar Adjuntu no ikusliu hanesan membru Komité Polítiku. Iha asimilasaun teórica ho grau ne'ebé di'ak no interiorizasaun iha Liña no mós iha grau kulturál ne'ebé di'ak, hodi permite nia dezenvolve an ikusmai, iha vontade atu aprende buat ne'ebé nia iha. Iha Prátika, hatudu katak iha kapasidade di'ak kona-

ba organizasaun, espíritu iniciativa, dixiplina no sakrifika an. Onestu no franku tebtibes, sinseru no nakloke an/abertu, aleinde ne'e nia mós haraik an, nia ponténsia revolusionária ne'ebé boot.

2. Kay Rala Xanana Gusmão

Operáriu konstrusaun sivil, militante ASDT/FRETILIN nian dezenvolve ativamente informasaun no, hafoin kontra-golpe revolusionáriu, nia servisu iha Departamentu Informasaun nu'udar membru C.C.F. nian. Hafoin invazaun, nia komanda Falintil pelotaun ida ikusmai nia ba Sentru Leste no dezempeña knaar nu'udar Vise-Sekretáriu Rejionál. Depois, hanesan Adjuntu Komisariadu, nia hatan ba Baze HAKSOLOK – baze leste Sentru Leste nian ikusmai nia halo parte iha Diresaun Superiór Setór Ponta Leste nian hanesan adjuntu. Iha inísiu faze ida ne'e nian, nia responsabiliza Setór ida ne'e – Ponta Leste – nu'udar responsável prinsipál, iha fulan-Maiu tinan-1980, ba Setór Sentrál sira nia dezenpeña provizoriamente knaar nu'udar Komandante-em-Xefe Falintil nian nia hatan ba Komandu Nasionál. Nia mak nu'udar projetór hodi kria Partidu, no Reorganizasaun País no Falintil sira. Nia mak nu'udar autór hosi testu sira “Pátria no Revolusaun” no “Temátika Funu nian”, testu fundamentál sira hodi komprende Prosesu Revolusionáriu Luta ba Libertasaun Nasionál no espesífiku liu situasaun ita-nia Pátria nian. Nia iha kapasidade teórica boot tebtibes iha grau ida ne'ebé aas no klean iha interiorizasaun kona-ba Liña nune'e mós kapasidade intelektuál no kulturál

ne'ebé aas. Ninia partisipasaun durante funu hatudu katak nia iha vizaun ne'ebé luan kona-ba problema nasional nune'e mós kapacidade kona-ba organizasaun no inisiativa. Espiritu dixiplina no sakrifisiu nian. Onestu franku no sinseru, abertu/nakloke an, haraik an no sakrifikadu tebes, nia iha potencialidade boot atu aprende no hanorin.

Aktu ho signifikadu boot ne'e, tuir kedas juramentu solene hosi Komisáriu Polítiku Nasionál perante Komisaun Eleitorál no Partidu.

Iha loron-3 fulan-Marsu hela ba nafatin, sei labele haluhan ita-nia Pátria nia istória hanesan mós data Kriasaun no Konstituisaun Partidu Marxista-Leninista Fretilin. Ida ne'e nu'udar ne'ebé boot hosi Konferénsia ne'e tomak, tanba iha loron ida ne'e mak kria/harii Partidu: Halo mós ratifikasaun ba eleisaun Prezidensiál Partidu no RDTL nian ne'ebé hala'o hosi Komité Polítiku C.C.F. nian :

eleisaun ba membru foun C.C. Partidu nian;

eleisaun Komisáriu Polítiku Nasionál nian.

Viva Partidu Maxista-Leninista FRETILIN

Viva gloriozu no ineskesível istóriku loron-3 fulan-Marsu tinan-1981,

SESAUN DAHAAT/4^a – Kuarta-feira loron-4 fulan-Marsu tinan-1981

Departamentu hirak ne'ebé kria importante tebes hodi responde ezijénsia atuál sira Luta nian.

NOMEASAUN

Responsável ba Departamentu sira :

Departamentu Organizasaun, Planeamentu no Investigasaun – (D.O.P.I.)

– SEKRETÁRIU – Kay Rala Xanana Gusmão

Departamentu Informasaun, Ajitasaun no Propaganda – (D.I.A.P.)

SEKRETÁRIU – Bere Malae Laka

Departamentu Relasaun Esterna – (D.R.E.)

SEKRETÁRIU – Mari Alkatiri

Departamentu Defeza Nasionál – (D.D.N.)

SEKRETÁRIU – Komisáriu Polítiku Nasionál pur akumulasaun

Sekretariadu – SEKRETÁRIU – Hari Nene

Komisáriu Polítiku no Sekretáriu sira ba Komité Rejionál sira

Mau Hunu Bolerek Karataianu

Sakin Nere Ulas Timur Lemo Rai

Lere Timur Anan

Komisáriu Polítiku Brigada Vermella nian :

Mau Hudu Ran Kadalak

Komisáriu polítiku adjuntu ba Komisáriu Polítiku Nasionál :

Holy Natcha

ESTADU MAIÓR FALINTIL NIAN

Xefe Estadu Maiór :

Kilik Wae Dae

Sub-Xefe Estadu Maior :

Nelo Kadomi Timur

1º Komandante Brigada Vermella :

Mauk Moruk Teky Timur Ran Nakali Lemo Rai

REORGANIZASAUN PAÍS NIAN

ANÁLIZE KONA-BA SITUASAUN

Halo análise ida kona-ba situasaun mundiál, àrea ne'ebé ita halo parte ba no mós Indonézia nian. Situasaun nasional nu'udar objetu estudu ne'ebé klean iha aspetu oioin ne'ebé kompoin ita-nia funu Rezisténsia ne'ebé la'ós buat seluk maibé rezisténsia armadu hosi frente boot hasoru imperializmu, ne'ebé nu'udar povu nia inimigu boot liu. Ita sei manán imperializmu no ninia lakiau sira no sira nia governu títere Jakarta. Ida ne'e mak roda Istória nian. Nia sei la fila ba kotuk tanba ninia marxa irreversível.

d) Iha kampu militar, hala'o liu operasaun no anikilamentu duke iha Baze Vermella sira, permite ita atu hetan esperiénsia ne'ebé riku tebes hodi halo ita bele haree falla sira hodi no korrije falla hirak ne'e , hadi'ak no aperfeisoa progresu hirak ne'ebé hetan no, atu bele garante susesu boot iha futuro. La,ós buat hotu susesu; nune'e mós vitória. Ita mós sofre derrota boot ne'ebé serve nu'udar lisaun hodi hadi'ak ita nia hahalok iha futuro. Kestaun mak tenke hatene rekoñese, iha korajen atu

aprende no korrije sala no falla sira hodi bele kombate di'ak liután, tanba hanesan ne'e de'it mak ita bele kumpre no servi didi'ak.

e) Iha kampu ekonómiku, ita hatene deskobre forma foun sira kona-ba vida/moris, métudu foun kona-ba preparasaun reasaun nian, forma foun kona-ba armazenamentu no konservasaun. Ita koñese di'ak liu ita-nia Pátria no ninia potencialidade no ninia rekursu naturál ne'ebé sei la hotu.

f) Maibé buat hothotu la la'ó hanesan ita hakarak, tuir ita-nia hanoin/dezeiju. Oportunizmu, no laiha responsabilidade, laiha segredu no indixiplina hodi provoka desmantelamentu ba ita-nia organizasaun kladestina sira mate no desterru/ezíliu ba patriota barak nu'udar esperiénsia moruk ne'ebé ita hetan.

ATIVIDADE SIRA NO FORMA EZEKUSAUN NIAN

Atu tau iha prátika no aplika, ho forma dinámika no kriadora, palávra-de-orden sira Partidu nian nu'udar indispensável atu tau nafatin iha ida-idak hanoin iha momentu ida-idak luta nian konxiénsia kona-ba ita-nia realidade no ita-nia responsabilidade. Maibé buat hotu ne'ebé ita bele halo hodi derrota inimigu no halo avansa luta/funu ne'e ita tenke halo duni, determinasaun no korajen. Nune'e, ita bele tau iha prátika palávra-de-orden sira hosi ita-nia Partidu.

a) Mobilizasaun integrál hosi Povu ba Rezisténsia

Povu mak sei halo Istória no, funu ne'e funu revolucionária popular ida no ita hanaran nu'udar funu gerrilla tanba nu'udar asuntu povu nian ita sei la sai buat ida. Ita sai hanesan ema desgrasadu no kondenadu ba derrota. La'hó

Povu, laiha partisipasaun hosi populusaun iha luta, ita-nia asaun militár sei sai kondenu ba frakasu no, karik balun iha sorte di'ak sei sai nu'udar susesu izoladu ida ne'ebé sei labele reprezenta no hanesan ita halo beliskaun/ita ku'u fali inimigu. Nune'e, mak ita mobiliza masa/populusaun, ita organiza sira politika no militarmente, la'ós de'it atu fó informasaun no apoiu materiál no ekonómiku, maibé liuliu, hodi luta, atu kaer kilat, hodi oho inimigu no liberta ita-nia rain. Determinadu liu, ita tenke kombate aventureizmu, infustificada no hahalok hirak ne'ebé la di'ak, bainhira iha kondisaun atuál sira la'hó tauk, ho desizaun no valentia/brani.

b) Desiminasan hosi forsa moris sira inimigu nian.

Karik, iha vila ida ita iha Hansip seksaun ida ka pelotaun ida ka tentara ruma ne'ebé mak nu'udar ita-nian no mós pruntu atu luta kontra okupasaun koloniál estranjeira? No, karik ita iha ema hirak ne'e iha maiór parte hosi ita-nia vila sira, ita bele hateten katak ita iha ona vitória garantida. Entaun, ita-nia esforsu ida mak ida ne'e duni – disemina forsa moris sira inimigu nian. Ida ne'e nu'udar knaar prinsipál ida ba ita-nia militante hosi organizasaun klandestina sira tanba, ba ita, ne'ebé mak iha hela ai laran, susar tebtebes atu halo ida ne'e. Ita tenke prepara didi'ak militante sira iha klandestinidade. Prepara ita-nia populusaun hodi halo servisu ida ne'e tanba, karik la hanesan ne'e mak ita labele mobiliza totál, integrál no kompletamente populusaun, tanba Hansip sira, tentara/militar sira mós nu'udar parte ida hosi populusaun Timór – Leste nian, maske sira servisu hela ho inimigu. Haruka pamfletu, karta, billete, hodi ko'alia kona-ba ita-nia luta ba maun-alin falladu sira ne'e hodi loke sira-nia koxiénsia patriótika hodi rekupera fali sira, Halo panfletu no husik iha ai-laran, iha ita-nia akampamentu hirak ne'ebé abandonadu nsst. Buka uza meiu

hothotu, maibé prinsipalmente prepara ita-nia populasaun, mobiliza masa hodi alo servisu ida ne'e. Buka mós meiu hothotu hodi konkista simpatia soldadu javanés sira, lori sira mai hamutuk ho ita no tau sira hodi hala'o ita-nia servisu.

Nune'e, ita sei transforma inimigu, ninia poderiu réal iha poderiu ne'ebé aparente no frakeza réal, no ita-nia frakeza aparente ba forsa réal, invensível ne'ebé sei harahun ema sira ne'ebé mai okupa ita-nia rain. Maibé, ita tenke duru no implakável no oho ema sira ne'ebé sei hakarak hamutuk nafatin ho inimigu.

c) Habelar organizasaun Frente nian

Kombate ho firmeza pontu-de-vista hothotu ne'ebé klood no lakohi konsidera ita-nia kondisaun, no hakarak halo ita atu tuir polítika ne'ebé impede ita atu tau iha konxiénsia kona-ba ita-nia realidade, katak ida ne'ebé traidór labele transforma ona, ka sira ne'ebé ba rende ho kilat ne'e traidór. Ba kualkér ema ida, serve inimigu, karik nia hakarak kolabora ho ita hodi luta kontra okupasaun koloniál estranjeira, ita hateten ba sira katak: - "Frente nia odamatan nakloke, tama mai no luta" -. Atu habelar ezije ita tenke mobiliza integralmente masa, povu, ne'ebé mak ita disemina no desintegra tiha forsa moris sira inimigu nian, ne'e katak ita loke odamatan Frente nian ba ema hotu, independetem, entre kór, relijiaun no ideolojia polítika, kategoria sosiál, rejiaun, nu'dar Rajah/Leurai, DPR, Xamat, Bupati, Hansip, Tentara, nsst, ne'ebé hakarak luta, hodi defende ita-nia rain hodi rejeita okupasaun estranjeira. Partidu ne'e ita-nian, Partidu ne'e nu'udar organizasaun polítika klase ida nian, purtantu, admite de'it ema sira ne'ebé pertense ba klase ida ne'e, maibé Frente ba ema hotu; ba patriota no nasionalista hothotu sesé de'it.

d) Anikila inimigu

Ida ne'e mak knaar fundamentál, prinsipál, FALINTIL nian. Maibé, atu FALINTIL bele kumpre loloos sira-nia papél, presiza organiza masa hodi apoia FALINTIL sira no partisipa iha kombate, disemina forsa moris sira inimigu nian hodi habelar organizaun Frente nian. Sein kondisaun ida ne'e, ko'alia kona-ba atu akila inimigu ne'e hanesan liafuan mamuk de'it, purtantu atu anikila inimigu presiza habelar no atu habelar presiza disemina, atu disemina presiza mobiliza.

Tanba ne'e, knaar FALINTIL nian la'ós de'it kombate, sei mobiliza no organiza mós masa tanba, nune'e de'it mak, ita bele kria kondisaun hodi anikila inimigu. Nune'e ita kumpre no tau iha prátika palávra-de-orden sira Partidu nian iha momentu ita-nia luta daudaun ne'e.

- Mobilizasaun integrál Povu ba luta
- Diseminasaun ba forsa moris sira inimigu nian

- Habelar organizaun Frente nian
- Halo anikilamentu ba inimigu

Nune'e de'it mak, ita sei la haluhan saida mak Kamarada Komisáriu Polígtiku Nasionál dehan : “Mobiliza hodi disemina, disemina hodi habelar, habelar hodi anikila “maibé, atu halo tuir loloos knaar hirak ne'e hotu ezije espíritu sakrifísiu no responsabilidade boot, prinsipalmente, dixiplina besi nian. Konxiente ne'ebé ezije hosi luta, hosi interese superiór sira Nasaun nian ne'ebé inspira hosi konxiénsia kona-ba responsabilidade hirak ne'ebé tula ba ema hotu no ita ida-idak, dezde responsável másimu Nasaun nian to'o gerrilleiru ne'ebé ki'ik

liu. Bainhira laiha dixiplina besi ida, laiha responsabilidade, laiha segredu, mania hosi novidade sira, mania hosi segredu hamosu ona mate hira. Provoka ona degredu/desterru hira ona! Organizaun klandestina hira mak la rahun ona! Ita tau iha konxiénsia responsabilidade sira , ita luta ho enerjia no firmeza irresponsabilidade, mania hosi segredu no novidade sira. Tau iha konxiénsia kombattente no gerrilleiru sira-nian esperítu responsabilidade boot atu bele iha dixiplina besi ida, nune'e, sei bele garante duni segredu. Ita labele haluhan katak ita-nia indixiplina sai nu'udar alvu ne'ebé fásil ba kilat- musan asasinu inimigu nian. Nune'e, ita mobiliza an hodi organiza, ita organiza hodi mobiliza no ita disemina, ita habelar no, ikusmai ita anikila. Maibé, karik ita haluhan atu tau dixiplina nu'udar sentinela, sei la halo buat ida! Nune'e, ikusmai ita bele kumpre duni palávra-de-orden sira Partidu nian no hanoin hikasfali liafuan kamarada Komisáriu Polítiku Nasionál katak- Mobiliza hodi disemina, disemina hodi habelar, habela hodi anikila, maibé tenke iha dixiplina besi ida nia laran".

REZOLUSAUN SIRA :

1 – Divizaun Administrativa

- a) Rejiaun Militár Ponta Leste “FUNU SEI NAFATIN” – Leste hosi kordaun Baucau / Viqueque.
- b) Rejiaun Militár Sentrá “NAKROMA” – entre kordaun Baucau/Viqueque no kordaun Dili/Betano.
- c) Rejiaun Militár Fronteirisa “HAKSOLOK” – oeste hosi kordaun Dili/Betano.

DEZIGNASAUN SIRA :

Dezignasaun ida-idak iha nia kontéudu istóriu.

“NAKROMA” – tanba iha ne’e, mak rejiaun Mlitár Sentráal hala’o reuniaun istória hothotu C.C.F. nian no 1^a istória mak Konferénsia Nasionál hodi harii Partidu halo Raorganizasaun ba País. Iha ne’e mak ita halibumalu hamutuk hodi buka roman no iha ne’e duni mak ita leno/fó naroman ba territóriu tomak.

“HAKSOLOK” – tanba grupu rua ne’ebé kontinua firme nafatin sira fiar ho konfiansa katak sira-nia maun-alin sira seluk mós sei reziste nafatin, prinsipalmente, iha sorin ne’ebé do’ok tebes hosi illa Ponta Leste – no ida ne’e nu’udar solok boot no konsolasaun ida ba ita hotu. Tanba ne’e, mak fronteira sira hanaran tiha nu’udar “HAKSOLOK”.

“FUNU SEI NAFATIN” – Tanba parte seluk hosi País iha hela dezorden no konfuzaan, iha vaziu/lakuna boot tebtebes, iha Ponta Leste, luta kontinua no organizadu nafatin hosi ne’e mak ita hahú habelar no lori hikasfali, ahi Rezisténsia nian ba País tomak, hodi responde dezeju profundo no Ijítimu ita-nia Povu nian. Ponta Leste sai mós nu’udar seleiru/armazen ba Kuadru sira, fornese Kuadru sira hodi kobre País no lori luta ba fatin ne’ebé mak la eziste ona.

2. Estrutura Polítiku - Administrativa.

Estrutura atuál Podér nian mak ida ne’ebé, daudaun ne’e, responde di’akliu ba situasaun atuál País nian, Nune’e, iha nível nasional, Órgaun Másimu Konseillu Revolusionáriu Rezisténsia Nasionál nian ne’ebé korresponde ba Comité Central Partidu nian, ninia responsável másimu mak

Komandante-em-Xefe FALINTIL nian. Iha Rejiaun sira, iha Komisaun Rejionál Rezisténsia nian no, iha Sub-Rejiaun sira, Sentru Rezisténsia Nasionál nian no, iha zona sira, Núkleu Rezisténsia Popula.

3. Papél diretivu Partidu nian.

Partidu nu'udar organizasaun polítika vanguarda klase ida nian, ne'ebé ninia objetivu hodi halo defeza estranzijente klase ne'e nian, ninia klase ka hosi klase ne'ebé nia representa. Partidu burgés ida representa klase exploradora, ne'ebé burgezia ninia objetivu atu mantein nafatin klase traballadór, proletariadu ho ninia dominasaun. Nune'e, mak Partidu hothotu ne'ebé representa klase ida hodi defende interese ruma klase ne'e nian. Partidu proletariadu ida, Partidu Komunista ida ka Partidu Marxista-Leninista, ne'e representa klase traballadór ka povu traballadór, opromidu no exploradu sira, defende sira-nia interese, interese hirak ne'e atu liberta an hosi dominasaun no explorasaun burgezia nian – ba klase exploradora. Atu bele liberta an hosi dominasaun no explorasaun burgezia nian, proletariadu traballadór tenke luta, ba forma hothotu, atu bele konkista podér polítiku, hamonu klase opresora no exploradora burgezia dominate nian. Nune'e mós, ita-nia Partidu Marxista-Leninista nu'udar organizasaun polítika hosi klase povu traballadór Timór-Leste nian, nu'udar vanguarda revolusionária ne'ebé representa interese Povu Maubere nian ne'ebé luta no kontinua luta nafatin hodi defende loloos no laiha kompromisu hosi interese hirak ne'e rasik. Iha País ne'ebé de'it, Governu mak Ezekutivu hosi Partidu. Iha País, ne'ebé mak podér iha klase exploradora nia liman, signifika katak, Partidu esploradór sira-nian – mak partidu burgés – ne'ebé iha hela Podér ka iha podér ida ne'e,

Governu halo-tuir saida mak Partidu ida ne'ebé ukum haruka, ida ne'e hakarak hateten katak, Partidu ne'ebé kaer poder mak tau Governu iha ne'ebá.

Tanba ne'e, ita nia Governu mak Ezekutivu Partidu nian, halo buat ne'ebé Partidu haruka hodi defende interese sira Povu traballador nian. Partidu mak trasa programa ne'ebé sei ezejuta hosi Governu – Programa ida ne'e ninia objetivu atu satisfás interese imediatu sira masa nian. Aleinde Programa Mínimu, Partidu mós iha Programa Másimu ne'ebé sei realiza hafoin hala'o tiha Programa Mínimu. Ho liafuan badak, ita bele hateten katak Partidu iha papel fundamentál atu diriji, orienta, atividade polítika, militar, sosial no kulturál hothotu. Nia trasa estratéjia no tátika sira iha momentu konkretu ida-idak. Governu ezejuta orientasaun hirak ne'ebé trasa hosi Partidu ba etapa konkretu ida-idak hosi luta ho objetivu atu satisfás interese vital sira no, ba longu prazu, hosi povu traballador. Normalmente, iha prátika, Partidu no Governu sira halo konfuzsaun, tanba Partidu sempre tama iha estrura sira Governu nian, partisipa, diriji, ajita knaar hothotu nu'udar ninia devér.

SESAUN DALIMAK – Kinta-feira laron-5 fulan-Marsu tinan-1981

Halo Reorganizasaun ba Forsa sira

1 - Konsiderasaun temátika no definisaun kona-ba konseitu sira atu bele komprende loloos ita-nia funu revolucionária espesífika ba situasaun konkreta ita-nia País nian.

Konsiderasaun no konseitu hirak ne'e hasai hosi testu “Guerra temátika fundamentál iha período istóriku ida ne'e” – produtu hosi esdutu ne'ebé naruk no klean hosi Kamarada Komisáriu Polítiku Nasionál no Komandante – em – Xefe FALINTIL – Kay Rala Xanana Gusmão -. Estudu ida

ne'ebé ho atensaun kona-ba testu ida ne'e hodi tulun ita atu komprende lei espesífika ne'ebé ko'alia kona-ba ita-nia funu revolusionária. Tanba ne'e, Kuadru no militante hothotu, hahú hosi eskalaun superiór to'o ida ne'ebé ki'ikliu tenke halo estudu ida la'ós de'it ho atensaun, maibé tenke klean, hodi bele komprende ita-nia funu no hatene oinsá mak halo no oinsá mak dirije funu.

Testu ida ne'e nu'udar inísiu hosi estudu ida, nune'e ita labele konsidera katak estudu ida ne'e kompletu ona tanba situasaun dezenvolve nafatin hela no, kompete ba Kuadru hothotu, nu'udar devér no obrigasaun, dezenvolve liután estudu ida ne'e liuhosi prátika ita-nia funu nian. Aplikasaun iha prátika kona-ba prinsípiu hirak ne'ebé define nanis ona iha ne'ebá, forma dinámika hosi aplikasaun ida ne'e ba situasaun konkreta ida-idak, sintetizasaun kona-ba esperiénsia valiozu hirak ne'e, buat hirak ne'e hotu mak sei halo atu dezenvolve ita-nia funu no sei hariku liutás estudu ne'e, kompletu no dezenvolidu liu. Tanba ne'e, mak ita hateten katak testu ne'e " Guerra" nu'udar inísiu no, hanesan temi iha testu ne'e rasik, "disertasaun/espozisaun ida ne'e reprezenta liuliu, atu utiliza terminolojia militar, ofensiva ida"; ofensiva ida ne'ebé buka atu halo debate, buka halo diskusaun aberta no loloos atu buka solusaun. Apezarde ita funu hamutuk, fó kabaas ba malu – ho objetivu hanesan dalabarak ita la komprende, atu ita komprende, tenke lori tempu naruk. Buat hirak ne'e hotu mak hasusar ita-nia servisu no, prinsipalmente, impede oinsá tau hamutuk esforsu atu ita bele hetan solusaun ida ba ita-nia problema tuir tempu no oras loloos. Nune'e de'it mak, iha ne'e, ka ororas tan , ka di'akliu, ita ba hasoru kedas: "Komandu ita-nia funu nian atu bele hetan konseitu komun ruma". Nune'e, ita buka aprende nafatin, aprende ho esperiénsia hosi povu sira seluk, aprende hosi ita-nia povu no ita-nia esperiénsia rasik. No bainhira ita aprende ba malu, ita sei hanoin kona-ba testu

ne'e: "Diskusaun akadémika sira serve de'it hodi marka distánsia entre ida ne'ebé manán no ida ne'e lakon (vensedór no derrotadu), ita-nia debate iha objetivu eskuzivu atu esklaresa lia-loos ne'ebé foti hosi lei ne'ebé define kona-ba faktu sira. Ita hotu tenke sente espíritu ida ne'e hodi bele serví funu.

DEFINISAUN KONA-BA KONSEITU SIRA.

Atu bele komprende didi'ak no loloos kona-ba ita-nia funu no mós hodi hetan linguajen komun ida mak define tiha ona konseitu hirak ne'ebé hasai hosi testu ne'e: "Guerra – temátika fundamentál iha peródu istóriku ida ne'e".

SESAUN DANEEN – Sesta-feira, loron-6 fulan-Marsu tinan-1981

KESTAUN JURÍDIKA SIRA

SESAUN DAHITU – Sábado, loron-7 fulan-Marsu tinan-1981

Sesaun solene enserramentu nian

Laiha dúvida katak, Konferénsia Nasionál dahuluk hodi organiza Partidu sei hela nafatin iha Istória no memória partisipante ida-idak nian. Atu komemora Konferénsia ida ne'e no, prinsipalmente, hodi komemora loron istóriku loron-3 fulan-Marsu tinan-1981, data ne'ebé harii Partidu, elabora programa solene inklui mós parada-de-onra ida, isar-de-bandeira no konvíviu.

Tuku 16h00 – Kuadru ida-idak, militante no partisipante sira Konferénsia nian ba hakerek nia naran iha momorandu ne'ebé hakerek ba ida ne'e duni no

sei tau iha memória kona-ba tempu no jersaun sira tuirmai, istória Konferénsia ne'e nian. Kuadru balun ko'alia no espresa sira-nia solok tanba bele partisipa iha Konferénsia ida ne'e, kona-ba signifikadu hosi Konferénsia ne'e ba nia em partikulár, no ba Revolusaun enjerál. Tanba adiantadu iha oras, pronunsiamentu ne'ebé sei hato'o hosi membru Partidu nian sira-seluk, adia fali ba loron tuirmai.

Tuku 17h00 – Parada-de-onra ne'ebé hala'o hosi Kompañia Brigada Vermella ida. Komisáriu Polítiku Nasionál nu'udar Komandante-em-Xefe FALINTIL no responsável másimu Konsellu Revolucionáriu Rezisténsia Nasionál nian, hahú pasa-revista ba tropa sira em-parada. Tuirfali isar-de-bandeira no desfile perante tribuna ne'ebé mak C.P.R.N. tuur ba. Hafoin desfile, iha komísiu badak ba Forsa, elementu no populusaun ne'ebé iha ne'ebá, foka liuliu, signifikadu istóriku boot Konferénsia nian no etapa foun ne'ebé sei tuir mai nune'e mós papél importante ne'ebé kompete ba FALINTIL iha etapa ida ne'e. Fó-sai palávra-de-orden ho lian maka'as, ho forsa nakonu ho enerjia, hodi fó-sai determinasaun inabalável/firme hosi povu ida ne'ebé konfiante no reziste hela, hodi harahun kolonializmu no derrota imperealizmu. Tuirfali konvivi no, iha sentru resinte nian, lakan no nabilan manas hodi leno ema hotu ne'ebé iha ne'ebá nia oin ne'ebé nakonu ho solok hanesan hakarak hateten katak fitur mutin ne'ebé mai hodi leno no diriije revolusaun eróiku Povu Maubere nian mak Partidu Marxista-Leninista / FRETILIN, ne'ebé mak foin harii iha Konferénsia istórika ida ne'e. Lian hirak ne'e hanesan hakarak esprime ardór kombativu militante sira-nian, patriotizmu Povu Maubere nian ne'ebé maka'as durante tempu naruk, tantu kolonialista portugés nune'e mós expansionista koloniál javanés, apezarde ninia bomba, avian kasa, Tanke no kilat hothotu hosi soldadu ho tamañu oioin, sei labele sufoka ita. Iha kalan, hahú rona kántiku revolucionáriu sira, lori iha nia liras solok no susar sira;

Hakarak ho sentimentu hirak ne'ebé klean hosi povu ida ne'ebé luta hela. FALINTIL sira apresenta teatru/sena ida ne'ebé hatudu sira-nia vida ho korajen no eroisidade, tuirfali, dansa ida – STOP MILITÁR - , hodi hatudu katak, sira mós mane, la'ós simplesmente nu'udar mákina atu oho, maibé sira mós iha sentimentu, domin, tristeza no solok. Iha intervalu ida-idak, palávra-de-orden sai derrepente de'it hosi militante nia ibun ho hakilar haksolok nian hosi povu ne'ebé desididu atu reziste no manán. Povu ida ne'ebé preparadu ona atu hakat ba oin ho korajen no determinasaun. Nune'e, kalan ramata ona, kalan ida ne'ebé nakonu ho solok no nakonu ho kamaradajen, fraternál, laiha formalidade, ho naturalidade ida ne'ebé laiha par sai hosi ne'e ho korajen liután, desididu liu no determinadu atu kontinua, ho fi'ar an, dalan loos mak ida ne'ebé hetan no trasa iha Konferénsia ne'e.

Domingu, loron-8 fulan-Marsu tinan-1981

Kontinua ho Sesaun Enserramentu

Militante hothotu ko'alia, hato'o sira-nia laran-solok no satisfasaun tanba sira partisipa iha Konferénsia Nasionál istória ida ne'e hodi harii Partidu. Balun ko'alia barak no balun ko'alia uituan, maibé hothotu ko'alia hodi foka liuliu ba signifikadu boot Konferénsia ida ne'e nian. Konferénsia mak fó resposta ne'ebé loloos no efikás liu hakilar triste nian hosi Povu Maubere hafoin lakon tiha Baze Vermella. Kriasaun Partidu nu'udar resposta ida ne'ebé dí'akliu, resposta ida ne'ebé hein kleur ona no ansi no hein katak ita-nia rain nia oan sira ne'ebé dí'ak-liu korajen no aten berani fó ba nia povu, ninia hakarak no esperansa, ba ninia sentimentu ne'ebé klean tebes, ba ninia

konfiansa ne'ebé metin iha nia vanguarda revolucionaria. Konferénsia ida ne'e mós nu'udar eskola boot ida ne'ebé hothotu bele aprende buat ruma, sira sai hosi ne'ebá esklaresidu no konxiente liu kona-ba Liña Partidu nian, desididu no determinadu liu, atu tau iha prátika orientasaun hirak ne'ebé fó-sai. Loos duni, nu'udar eskola réal ida demokrasia nian tanba hothotu aprende hamutuk hosi esperiénsia ema seluk nian, hothotu aprende respeita ema seluk nia opiniaun hodi ajuda malu atu korrije sala sira no limitasaun ida nian no sira seluk nian, ho hakarak atu serví. Ho liafuan badak, Konferénsia ida ne'e nu'udar verdadeira eskola Sentralizmu demokrátiku. Liafuan domin ne'ebé nakonu ho sentidu revolucionáriu, sufoka ema hotu, tranzmite forsa no determinasaun, vontade atu luta hosi ema lubuk oan ida ne'ebé sei manán tanba iha forsa ne'ebé labele domina hosi nia Povu. Tuirfali membru sira Comité Central nian no Kamarada Komisáriu Polítiku Nasionál taka sesaun ho diskursu enserramentu nian. Mosu lian ne'ebé bele rona iha mundu internasionál.

“FOTI OIN KASIAN HO HATAN SIRA

Viva ba luta hosi povu oprimidu sira iha Mundu !

Viva Militánsia Internasionalista!

Viva Partidu ML - FRETILIN!

Hatun kolonializmu no expansionizmu javanés!

Hatun imperializmu!

Pátria ou morte: Rezistir é vensér!

Timór-Leste, Rejaun Militar NAKROMA, loron-8 fulan-Marsu tinan-1981.

Sekretáriu Konferéncia

Mau Hudu Ran Kadalak

(Sekretáriu Konferéncia)